

卷七

人事志

古昔盛時和親康樂安平勒爲成書而其時政教休明風同道一故國無異政家無異俗海邑屬古營州域遠在荒服不及見古時文治之美而在今縣治城若鄉之烟火萬家而星羅碁布者人民多自移殖而來故往往一鄉十室從宜從俗不無異同然而士習絃誦商樂懋遷工用高曾規矩農服先疇畎猶有淳古之遺焉今雖歐風亞雨潮流日激而行其地桑麻被野入其市闐闐連雲尹媿衣冠崔王大族新機日啓而古處仍敦於此見聖人庶富加教之旨遠矣因以志人事

人事

人類

縣境僻處邊隅屢被外夷侵據居民羸雜種類繁多自魏晉來若高麗若渤海以及遼金元之遺族皆與漢人同化種類無從區別清初編土著人爲漢軍八旗與滿洲蒙古各八旗並稱後遷入之各省漢人另編民籍外有來自西域之回民本境人類共分漢滿蒙回四種分列如下

漢族

漢族即蒙古利亞族黃色種人初起黃河流域後代苗民奄有中土自黃帝以來即爲中華民族之代表漢時兵力及外夷故魏晉後外人猶稱中國爲漢並謂中國民族爲漢族當燕秦之際漢人足跡漸及遼東及漢武帝滅朝鮮置四郡漢人之來者益衆厥後屢受外族凌

海城縣志

卷七 人事 人類

一一

逼然漢族能保其固有特性不與外族同化外族反悅而化之是以數千年來漢族勢力迄未少衰清初編土著漢人爲八旗謂之漢軍世祖入關撥內地各省人民來此開墾聖祖時直豫魯晉之人尙源源而來投旗者仍爲漢軍未投旗者另編民籍與內地各省等三百年來生聚日衆今竟居全境人數十之六七原籍山東最多直隸次之山西河南又次之南省之人極少

滿族

滿族即通古斯族又曰韃靼族周之肅慎秦漢之東胡晉之鮮卑唐之渤海宋之女真皆此族也韃靼原分二部居松花江者曰粟末韃靼於唐時建渤海國居黑水者曰黑水韃靼即宋以後之女真明時女真分三種曰海西女真曰建州女真曰野人女真清太祖奴爾哈赤崛起建州統一諸部國號滿洲及太宗改國號曰清遂以滿洲爲部族之稱當時滿洲旗兵

駐防各處聚族而居是爲滿人境內滿人牛莊最多各村間有之然滿人生息不蕃今尙不及漢人十之二三

蒙古族

蒙古族即韃靼族唐時有蒙兀室韋爲此族之起源蒙古即蒙兀之音轉亦猶女真即肅慎之音轉也元太祖成吉思汗崛起漠北兵力直達歐洲疆域之廣爲亘古所無元滅後其遺族散居漠南北即今之內外蒙古清初蒙古內附有投旗編入冊檔者曰蒙古八旗駐防各處與滿人等習俗亦無大異又有錫伯人巴爾虎人均爲蒙古之一部縣境蒙古人皆清初編入冊檔者與洮南昌圖等處之外藩蒙旗不同錫伯人亦間有之無巴爾虎人

回族

回族阿剌伯人初回教祖穆罕默德又曰摩訶末創回回教建大食國後其勢力由土耳其

中亞細亞漸及天山南路一帶隋唐時已入中國蔓延四方所至輒相親善守其教旨尤篤在滿洲者爲東干派本土耳其人或曰清高宗時岳鍾琪征青海隨大軍入境散居各省縣境回民居城內者八十餘戶牛莊百餘戶虎獐屯三十餘戶大感王寨三戶以屠牛爲業或爲各種小負販無習農工商業者

戶口

縣境本明屯衛前代戶口甚稀清順治十年始設治招民開墾直魯豫晉之人來者日衆丁賦初編奉天府內及雍正十二年始編本城丁賦全境二十二社半原額新增實在行差人丁三千七百五十七丁(每丁一錢五分徵銀五百六十二兩五錢五分)當時戶口尙無冊籍及乾隆六年始行編審新編民戶七千八百五十七戶男婦一萬六千三百三十三人嗣後十年編審一次(二十七年分舊管戶口編入岫巖廳)至四十六年編審民戶七千三百四十五戶男婦三萬七千四百三十六人此當時民籍戶口之總數也至旗人戶口向歸佐領管轄三年一比另編冊檔不在此數當時旗人數目尙不及民籍之多統計旗民戶口至多約不過五六萬人迄今百四十年竟增加至六十萬以上雖由於休養生息所致而各省之人接踵而至亦戶口驟加之一大原因也茲將民國十二年警察調查各區戶口數目分

海城縣志

卷七 人事 戶口

四

列於左

第一區 (即中區)所轄一百二十一村(城關在內)

戶數 甲三百二十五乙九千零三十六丙四千七百統計一萬四千零六十一戶

口數 男四萬一千二百三十三女三萬九千六百五十八統計八萬零八百九十一人

第二區 (即東區)所轄一百七十八村

戶數 甲二千九百四十七乙一萬一千一百七十五丙三千二百六十四統計一萬七

千三百八十六戶

口數 男六萬五千二百五十九女五萬九千八百二十九統計十二萬五千零八十八

人

第三區 (即南區)所轄一百二十七村

戶數 甲一千一百四十一乙五千四百二十丙八千三百一十二統計一萬五千一百七十三戶

口數 男五萬二千八百九十六女六萬零一百三十統計十一萬三千零二十六人

第四區 (即西區)所轄二百二十六村

戶數 甲一千七百三十七乙一萬四千七百一十七丙七千零四十二統計二萬三千四百九十六戶

口數 男七萬四千四百二十三女六萬三千四百三十統計十三萬七千八百五十三人

第五區 (即北區)所轄一百三十四村

戶數 甲二千四百一十五乙一萬二千四百九十二丙五千五百一十三統計二萬零

海城縣志

卷七 人事 戶口

五

四百二十戶

口數 男七萬九千二百一十六女七萬二千七百二十統計十五萬一千九百三十六人

千計七百八十六村九萬零五百三十六戶男三十一萬三千零二十七名女二十九萬五千計七百六十七口共六十萬零八千七百九十四人照全境疆域面積一萬七千二百方里每方里平均三十五人

全境戶口一覽表

類	別	年	齡	類	別	職	業
六歲以下	男		四三八〇八	農	男		一六二二五六
	女		四三四三八		女		一二六二六四
六歲以上	男		八九六三〇	工	男		二九八〇三
	女		八六五七七		女		一七一〇八
二十一以上	男		一四二六四七	商	男		二九九一〇
	女		一二七四九七		女		一五三八〇
六十以上	男		三三三四二	學校畢業	男		二七一九五
	女		三八二五五		女		九七九
共	男		三一二〇二七	公職	男		二三七四
共	女		二九五七六七	廢疾	男		一四四五
總計			六〇八七九四	無業	男		一四七

海城縣志

卷七 人事 戶口

六

城關戶口一覽表

保		數	戶	數	口	數
東關	八保甲	二七	男	二一〇五		
	乙	六一三	女	一九四〇		
	丙	一二〇	共	四〇四五		
南關	五保甲	二〇	男	一五三〇		
	乙	六三	女	一二七四		
	丙	三三〇	共	二八〇九		
西關	五保甲	三四	男	一三九一		
	乙	九五	女	三一六四		
海城縣志 卷七 人事 戶口 七						
北關	五保甲	二四	男	一四〇〇		
	乙	八七	女	一四一五		
	丙	三一九	共	四五五五		
統計二十三保	戶	二二一八	口	一四二二四		
工商	店舖戶	五九二	口	五五九二		
外國	僑民戶	一九	口	四〇		
總計	戶	二七二九	口	一九八五六		

氏族

縣境地接東夷迭遭兵燹故家喬木存者無多清初旗人如范氏尙氏及牛莊駐防之關依那色富趙佟南諸氏皆當時閥閱世家而今已多凌替遂無顯達大姓至漢人子孫宗支蕃衍科第蟬聯者固所在多有然保世滋大者甚尠茲擇其族姓較繁家世較著者分列於左

孔氏 原籍山東曲阜縣至聖之裔清初徙縣境隸漢軍旗世居城西孔家屯

范氏 原籍江蘇宋范文正公之裔後徙遼東清初文肅公有開國功隸漢軍旗子孫駐防牛莊宗族繁盛世居城北大望台

尙氏 原籍山西洪洞縣後遷衡水復徙本境清初尙可喜以從征有功封王爵隸漢軍旗子孫衆多半居本境東靈大小新屯水泉廟兒溝等處城內建專祠有世管佐領春秋奉

祀

海城縣志 卷七 人事 氏族

八

沈氏 原籍浙江會稽縣績順公之裔清初徙瀋陽入漢軍旗太宗開科選士沈文奎列第一後官至巡撫子孫徙本境者世居城南石柱溝

侯氏 原籍山西明福縣後徙本境清初入漢軍旗世襲盛京工部五品官監造黃瓦窰世居城東南析木城

關氏 即瓜爾佳氏滿州旗人清開國功臣信勇直義公費英東之裔子孫駐防牛莊世居城西沙河沿

富氏 即富察氏滿州旗人清初勛臣弘毅公額亦都之裔子孫駐防牛莊世居牛莊城

佟氏 即佟佳氏滿州旗人清初功臣武勛王揚古利之裔子孫駐防牛莊世居城西子方屯按清初牛莊駐防滿人有關依那色富趙佟南八姓今只知關富佟三姓餘五姓不可

考矣

里氏 即薩克達氏滿州旗人清初里復哈官牛莊第一任防守尉後人以里爲氏世居牛莊西里家窩棚

楊氏 原籍山西漢太尉楊震之裔清順治八年徙居本境同治間楊肇懋官安徽池州知州子綜清官安慶府知府孫鴻儀官直隸大名縣知縣世代簪纓爲本境望族居城西南大感王寨

郭氏 原籍山西清乾隆初徙居本境家資富厚光緒間生員郭之楨由主事歷官知府世居城南八岔溝

龐氏 原籍未詳清順治八年徙居本境道光間進士龐家淦官知縣貢生龐三升官教諭後世子孫代有顯者世居城北泥溝舖

王氏 原籍未詳清同治間王元善及弟元志均成進士官縣令元志子慶祺官工部郎中

海城縣志 卷七 人事 氏族 九
世居城南虎獐屯

趙氏 漢軍旗人清光緒間舉人趙維城官湖南永興縣知縣子光印官吉林虎林縣知事族大丁繁世居城南小河

孫氏 漢軍旗人清同治間劉振唐官主事子清書官吉林長壽縣知縣三次世居城北大莫其屯

孫氏 原籍未詳清初徙本境乾隆間孫昭由翰林院庶吉士改官湖北襄陽縣知縣孫滙拔貢生立孫奉先由宗室漢教習官陝西洛川縣知縣世居城北驗軍堡遷居城南箭樓子

丁氏 漢軍旗人清光緒初年舉人丁鶴年官御史簡放四川重慶府知府姪朝瀛副榜以州判用世居城西小碼頭後遷居城內

李氏 原籍未詳清初徙本境同治間李天一及子錦棠俱歲貢生以訓導用少子金印舉人官福建知縣世居城西南大感王寨

韓氏 原籍直隸昌黎縣唐韓文公之裔清順治八年徙居本境族姓繁滋科名絡繹世居城南鄧家台

周氏 原籍未詳清初徙居本境世代書香遺澤綿遠世居城南蓋家屯

李氏 漢軍旗人清光緒間進士李鶴亭由內閣中書歷官吉林伯都訥廳同知世居城東南丁家峪後徙城南箭樓子現居城內

宗教

縣境昔時僅有釋道二教近數十年景教始流入回教則專屬回民他族無與焉按釋氏主慈悲道家言感應耶氏倡博愛回教講清真雖宗旨不同而要皆勸人爲善宗教感化之力足濟道德法律之窮又惡可厚非耶茲將各色宗教臚舉於後

佛教

佛教一名釋教教祖釋迦牟尼生於吾國周靈王時父淨飯王爲北印度迦毘羅城主母摩耶夫人初奉婆羅門教喜息深林中冥求真道以未能脫除生老病死之四苦遂持厭世主義年十九逃入雪山學道數年始得正覺遂出而說法凡四十餘年年八十示寂世稱釋迦牟尼以釋迦爲氏牟尼賢者之義其教以博愛普濟爲主旨佛滅後弟子五百人大會於王舍城編纂經典後百年佛弟子七百人又大會於毘舍離當時佛教勢力尙未出恒河流域

海城縣志

卷七 人事 宗教

十一

及北印度阿育王崇拜釋氏定爲國教會僧侶千人於國都華子城且派教師傳教各國由是佛教大昌漸由中亞細亞傳至葱嶺以東適東漢明帝夜夢金人遣蔡愔等求佛法於西域至大月氏得佛經及僧人迦葉摩騰竺法蘭以歸是爲佛教入中國之始教徒初來止於鴻臚寺遂名所居曰寺魏晉之際高句麗建國始聘西僧宏通釋典是爲佛教入遼東之始遼金元起北方皆崇拜釋氏滿清入關佛教與儒道同尊於其支流喇嘛教尤深信仰太宗時喇嘛來獻丹書預告天下一統及征察哈爾還喇嘛默爾根隨至盛京勅建實勝寺居之即今俗呼黃寺者是也女子出家者內典謂之比邱尼俗呼尼姑所居蘭若曰庵縣境有佛教無喇嘛教比邱尼亦間有之及清末變法廟宇多改建學堂僧侶還俗廟產收沒是亦佛教之一大魔劫也鼎革後南京寄禪和尚首倡組織中華佛教總會以爲沙門護法各省立支部各縣立分部國家尋頒行管理寺廟條例凡十方選賢傳法剃度各叢林寺廟有關名

勝者法律負保護之責僧道戒行高潔昌明教義者國家並表揚之由是佛教復盛本城佛教會分部設在南關八蜡廟正會長思仲副會長圓崑全境寺廟四十餘處僧侶約百餘人

道教

道教一名闡教以老子爲教祖老子姓李名耳字伯陽諡曰聃故亦稱老聃周守藏室之吏也所著道德經五千餘言亦名老子及戰國時莊周著莊子十餘萬言其要歸本於老子故老莊並稱其教以清淨無爲爲宗旨漢初道教盛行如留侯辟穀欲從赤松子遊陳平曹參皆好黃老術至武帝好神仙信封禪文成五利之徒相與炫惑於是煉丹服食之說熾而道家本旨失矣後留侯八世孫張道陵復以道術相傳授子孫世守其業號爲真人其後丹鼎符籙占驗各派紛然雜出無不託之道家就中以葛洪爲最著抱朴子神仙傳等書行世從前道教僅行南方北方之有道教則自長春真人至北京始真人姓邱名處機號長春子南海

宋人從王重陽學得先天大道元太祖召之往見於雪山以天道好生不嗜殺人爲諫太祖重之尊爲國師建長春宮居之弟子十八人隨地布教道以大顯號龍門宗今中國北部道流皆其法嗣滿清開國郭真人望氣東來預示龍飛之讖世祖入關勅建太清宮於瀋陽如元太祖長春宮故事遼東道教從此大昌教徒散居四方到處立廟清末佛教凌夷道教同受影響及南京組織佛教會瀋陽太清宮方丈葛月潭同時發起道教會總會設於北京白雲觀各省並設分會道教復興女子入道者曰女冠始於漢時俗呼道姑別有火居道在家蓄妻子號靈寶宗除誦經禮懺外別無所事蓋道教之末流也縣境道士女冠皆少火居道則所在多有

回教

回教一名天方教教祖穆罕默德即摩訶末阿刺伯人少聰明有大志年四十餘始參酌猶

太基督二教別創新教曰回回教專拜造物主不信他神其經典曰可蘭經穆罕默德左手持經典右手執利劍專以武力傳教四方遂奄有阿刺伯地建大食國神權政治以教主爲元首穆罕默德卒繼其後爲教主者稱哈刺發神嗣之義哈刺發欲廣傳新教於域外西略非洲東侵波斯統一西亞細亞遣使通好於唐中亞細亞及天山南路一帶以次轉入回教勢力範圍嗣後漸入中國居東省者曰東干派所居之地皆建禮拜堂曰清真寺教師曰阿訇每歲有兩大主麻節每七日值牛婁鬼元四宿爲主麻日主麻者禮拜之義屆期教徒咸入寺誦經祈禱其婚喪禮儀亦與他族異婚禮結婚於寺由教主立婚書乃成禮喪禮延阿訇誦經祈禱浴尸畢以白布裹之三日啓殯不具棺槨昇置壙中謂之土葬封如馬鬣形其俗禁豚肉忌烟酒食獸必反芻者取其潔也縣境回民約二百餘戶縣城牛莊虎獐屯三處皆有禮拜寺

天主教

天主教即基督教舊派一名加特力教中國人稱爲天主教教祖耶穌基督猶太人生當我國漢哀帝時（或曰漢平帝元始元年）三十歲宣傳福音以基督自任基督者救世之義教旨在博愛教徒甚多猶太人惡之控之羅馬官吏耶穌遂死於十字架上後數百年其教風行歐洲幾遍各國當唐太宗時波斯人阿羅本賚其經典入中國太宗信之建波斯寺當時目爲景教至武宗時與佛教並禁明成祖靖難後因訪建文帝踪跡遣太監鄭和馮保通西洋天主教徒隨入中國世宗時利瑪竇來華傳教大學士徐光啓首奉之清聖祖時以南懷仁湯若望佐定歷象有功許外人傳教准於通商口岸建設教堂宣宗因阿片交涉復禁傳教及文宗北狩英法聯軍入京恭親王與定條約許其在內地傳教同治初法蘭西人始傳天主教於各省而本境牛莊教堂在道光年間成立規模閎廠極壯觀瞻嗣推廣至滾子泡

虎獐屯等處光緒十年立本城教堂各處教民或百餘人或數十人不等庚子拳亂各處教堂悉遭焚燬教民罹難者亦有多人尋由國家賠款建教堂撫恤教民天主教因之復盛按天主教信上帝闢他神重靈魂斥偶像與耶穌教旨無異但神權尊嚴少自由平等之風教師曰神甫不得蓄妻子並有主教等名稱分執教務各處教會均設嬰孩院收養無主嬰兒是亦慈善事業之一端也

耶穌教

耶穌教即基督教新派基督教原分三派曰天主曰希臘曰耶穌同以耶穌基督爲教主當十六世紀日耳曼人馬丁路得反對羅馬教皇專制乃倡宗教革命別創新教曰耶穌其教旨沿舊教而脫其桎梏教士無階級牧師得蓄妻子一時信者靡然風從而大不列顛鎮國人信仰尤甚當時新舊教徒門戶水火迭起戰爭及近世信教自由其禍始息耶穌教在清

同治時始入中國北部其傳至東省最晚光緒初英人馬欽泰先派華人李承恩來邑傳教未幾馬牧師亦携眷來當時人心錮蔽多以洋教目之馬牧師以堅忍之心感化之力宣傳不怠久之信者日衆在縣城及牛莊騰鰲堡接官堡先後成立教堂四處信徒約數百人庚子拳亂各處教堂被焚教民亦遭蹂躪尋由國家賠償損失光緒三十年縣境各教會由華信徒捐資購地建房逾年馬牧師卒教民公舉華人爲牧師繼續宣教並在邑北耿莊子增設教堂一處民國十年分牛莊騰鰲堡接官堡耿莊子四處爲海西堂會自請牧師以謀發展全境教堂五處華牧師二人長老二人傳道三人執事二十八人教徒七百餘人教會設立初級小學四處高級小學二處教員十人男女學生三百餘人馬牧師人極慈善本基督教博愛之旨一視同仁不分畛域清光緒十四年縣境西北遼河兩岸被水成災馬牧師幽乞英國信徒捐輸鉅款派人至災區發放衣糧籽種等項全活甚衆甲午中日之役馬牧師在

營口經營紅十字會醫院治療中國傷兵教會中西人士親進湯藥夜以繼日兵士咸感激
庚子亂後俄軍在境舌人恃勢專橫威挾官府邑令王順存特約馬牧師以法語與俄官接
洽舌人遂不得逞馬牧師又自立三育學校專以英文英語教授華人畢業後多能自謀生
計此外復於城屯設立男女義塾使貧家子女無力就學者得受相當教育光緒三十一年
馬牧師卒於北戴河邑人聞之皆太息不置時管令鳳雛宰吾邑與牧師善爲作小傳述其
生平概略馬牧師卒後其妻留居海城仍續辦三育學校邑人以馬師娘呼之小傳附錄於
後

海城縣基督教會牧師馬欽秦小傳

牧師馬欽秦君又名約翰西歷一千八百三十七年生於北英國蘇革蘭彼斯利城乃祖
乃父以商業起家宗基督教君初就學於本城繼就學於格拉士格以宗教之熱誠入斯

海城縣志

卷七 人事 宗教

十五

格蘭依塾布拉教會之大學堂終乃遊學於德意志歸國後爲牧師於伯理申者六年從
者日衆君學亦日粹於是慨然有遠志以爲聖道所傳乃真理之所在必當流布於寰廣
海土衆民莫若中國爰於同治十年傳教於山東之烟台及濰縣光緒元年歷營口而至
海城君備知中國之俗尙而嫻習語言聞聲者幾忘其爲英人故足跡所至誠意畢宣爲
人民所敬禮至於漢學多所研究孔孟之書尤心悅誠服贊美弗置謂果循中國聖賢之
道不患中國不能興盛其所以博愛此人民而屬望於中國者從此可知矣君嘗取大學
孟子等書譯成英文庚子拳亂時原稿散失今所存者禮記書經而已君在海城三十餘
年海城人士於其亡也莫不同聲悼歎君之所以感人者深矣君奔走講說無虛日嘗於
村屯立義塾使人知嚮學重道德自君爲牧師以來教徒多感勉爲善人惟君以造物之
心爲心不殫精竭力故有此善果長茲不朽足令後之人想像思慕不置也

跋曰余於光緒三十一年捧檄治海城與君一見如故常相過從是年夏君以病就醫營川余往訪之君病少瘳坐樹陰下談時正娓娓不倦余恐君久勞致聲珍重而去不一月而噩耗至余愴然者久之因書其平生事略詮次爲文欲使海城人士之信奉基督教者於君之道德心有所師法將宗教信仰爲世所重而不爲世所詬病庶無負於君之苦心也夫

禮俗

縣境風俗淳樸爲史乘所傳然人民富於好古心故禮文多沿舊制近年人羣進化風俗改良如童年結婚婦女纏足等陋習已漸次革除而婚喪之禮尙有未能遽改者雖由積習使然亦見民風之厚也禮儀風俗附錄於後

婚娶

古者婚禮有六（納采問名納吉納徵請期親迎）今人猶沿用之男女結婚不得自由先由媒妁介紹兩家父母徵取同意然後求庚卜吉俗謂合婚即儀禮問名之義婚議既定男家備布帛簪珥之屬偕媒妁親至女家行定聘禮是日兩家親屬歡宴易杯而飲俗謂換盅又曰會親實即古禮之納采也（考儀禮士昏禮納采（註）使人納其采擇之禮（疏）納采言納者言其始相采擇恐女家不許故言納今訛解爲采幣之采故有謂納幣爲納采者非是

（婚期由術士選定男家用紅箋書男女年庚嫁娶日時及從俗禁忌諸事於兩月前擇吉日通知女家俗謂通信即古之請期也及一月前男家復諏吉備羊酒服飾等物納之女家是爲納幣即古納徵俗呼過禮又曰行茶是日女家祭告先祖與男家會飲並邀宴戚友戚友各出銀錢或首飾贈女家名曰助妝又稱奩儀（古於納徵之先尙有納吉一禮今廢）親迎前一日女家送妝奩什物於男家曰安嫁裝富室動費千金亦云侈矣行結婚禮皆在上午男家備彩轎或彩輿燭馬鼓樂前導新婿同喜儻四人（俗呼娶親客）娶親娘一人至女家親迎新婿登堂拜女父母俗名謝親蓋即古奠雁之義女家贈婿多金並以酒餞欸婿畢婿升轎前行男先於女之義新婦以紅帕蒙面弟妹行挽扶升轎女家亦用四人爲儻（俗呼送親客）送親娘一人送至男家候吉時下轎紅氍鋪地新婦踏行其上至堂前設喜桌曰天地桌新人交拜訖新婿引婦入室至門闥揭法蒙面紅帕新婦携寶瓶入洞房向吉方

端坐名曰坐帳（俗呼坐福）喜娘爲新婦加髻（俗呼上頭）女家肆筵款婿（俗謂館小飯）有古館甥遺意（此旗人之禮民人多於次日行之謂之館大飯實皆借男家酒殺以行具文而已）是午男家開盛宴待來賓戚友各出銀錢贈婿家曰喜儀至夕新婿與新婦對坐飲交盃酒俗謂吃合喜麵即古合盃之禮也翌晨新婦拜先祖及舅姑以次拜宗族前輩俗謂分大小即古廟見及見舅姑之禮戚友各贈新婦以資曰拜儀七日或九日女家接女及婿到家俗謂回酒踰月新婦歸寧謂之住對月此舊式婚禮之大略也惟親迎之禮需費多金惟富家行之餘皆女至婿門始見其俟著俟堂而已近年官紳之家多做西式行文明結婚禮但習俗相沿已久舊日儀式猶未能盡除不過略事變通而已至平民之家則悉仍舊制

附生子 生男懸弧於門左生女設悅於門右此古禮也三日浴兒謂之洗三是午食麵曰

吃喜麵並與穩婆以洗兒錢七日通知母家俗謂報喜母家及戚黨各贈鷄卵豚蹄麵粉等物於產婦俗謂之下乳彌月母家以花冠繡襖服飾玩具贈小兒曰作滿月其他親友各贈以資主人設筵款客曰湯餅會（俗稱吃滿月酒）至百天母家贈饅首百枚曰蒸百歲並贈以錢曰百歲錢週歲試兒男用弓矢筆墨女用刀尺針縷及珍寶玩物置兒前任其自取以觀其志名曰辟盤惟搢紳家行之

喪葬

喪葬之禮多沿舊制繁簡不同各視貧富之力爲之當父母疾革時昇置牀上子孫環守俟氣絕以錢納口中以帛蒙面然後以衾斂之即古之小斂男停中堂故曰正寢女停內室故曰內寢長子主喪登門限而呼者三俗曰指冥路有古皐復之義繼此易縗舉哀復用人携壺漿燈籠導於前子孫隨之至附近神祠焚香化楮哭而返俗謂報廟延術士開具死者

生辰回煞及含殮應需應忌各事物粘於壁謂之開殃榜即日通知戚友弔者至喪主及家人皆稽顙謂之行孝次日或三日納尸於棺即古之大斂停柩在堂子孫寢苦枕塊於其側柩前置一盂每食貯飯少許即儀禮設熬之義並置長明燈日夜不息子孫朝夕哭奠焚化紙箔謂之焚冥楮三日晡時喪家具塗車芻靈鼓樂前導僧道誦經喪主捧帚引魂詣神祠焚化祭奠畢齊哭而返謂之接三俗謂送行七日黎明設祭於庭子孫向空哭奠俗謂上望蓋取七日來復之義即梵經所載上望鄉臺之說自是每逢單七日皆有家奠謂之辦七至七七四十九日而止百日亦如之卜期啓殯多在五七七七之間亦有迷信風水停柩經年者乃陋習也殯期由術士擇定先期印白紙帖詳具死者履歷生卒年月日時及發引期謂之訃文遍致戚友葬前三日領帖俗謂開弔喪家張樂建醮紫彩棚備明器富家動逾萬金並置銘旌於門外戚友贈輓幛輓聯皆懸棚內或有送祭桌贈賻儀者弔者至喪主奉腰絰

海城縣

志

卷七

人事 禮俗

十九

於男奉首絰於女俗謂散孝授受皆拜有服者辭次日延儻禮祭並請有德望者爲題木主(俗謂之成主)發引前一夕家祭畢戚友以次祖奠謂之辭靈齋醮竟夕謂之作夜翌晨發引銘旌前導儀仗隨之喪主執旛行於前女眷乘輿哭於後親賓徒步送出郭或出里門喪主稽顙謝親賓乃還至墓地先祀后土乃貶柩喪主率家人設奠哭之盡哀乃返葬後三日詣墓哭奠培土於塚俗謂圓墳百日復詣墓哭奠乃卒哭與虞祭並舉也小祥大祥亦如之至禫祭則今廢久矣此舊式喪禮之大略惟官紳富家行之若貧家則卒後三四日即葬除接三外別無儀文視此簡略多矣近年風俗改良喪禮未能遽更然官紳之家亦有贈送花圈等事

附舊服制 本宗五服父母斬衰三年父在母歿齊衰三年祖父母齊衰杖齊曾祖父母齊衰五月高祖父母齊衰三月伯叔父母期服次小功次總麻兄弟期服次大功次小功次總

麻妻爲夫斬衰三年夫爲妻齊衰杖期父母在不杖子期服孫大功曾孫小功玄孫總麻爲人後者及出嫁之女俱降本服一等外戚服制諸姑姊妹出嫁者皆降本服一等外祖父母及舅俱小功姨及中表兄弟俱總麻餘無服民國喪服未定仍沿用前清舊制

祭祀

祭祀之禮滿漢不同漢人尊敬祖禰故以祀先人爲重世家巨族皆立宗祠歲時致祭備牲牢陳俎豆獻帛侑食皆如儀至庶人則奉木主而祭於寢不過薦其時食已耳此外家祭之神有天地竈神門神等天地即造物真宰竈神門神皆古五祀之一三者爲各家常奉之神就中以竈神爲最俗謂竈神能察人善惡爲禍福故人多媚之考禮記疏竈神爲祝融南方火德故祀於竈後漢書陰子方臘日以黃羊祀竈至巨富家世繁昌後人遂以臘月二十三爲祀竈日至張仙與南海大士則多婦女祀之士人每歲除夕祭天地諸神及先祖歲首三

日竟日焚香俗謂長香節其餘令節如上元端午中秋等均朝夕焚香叩拜每月朔望亦如之祭品有饅首雜穀果餌之屬焚香奠酒所以求神於上下也清明及七月十五十月初一均詣墓祭掃供香花奉酒殺焚化冥楮此漢人祭祀之禮也滿人則不同滿人祭祀皆設神版神竿祭以特豕黎明陳几於地置牲於楹主祭者焚香迎神灌酒牲耳牲鳴振謂之領牲猶言神已領牲默示歆享之義然後宰牲獻生薦熟如儀禮成餽饗宗族親賓謂之食神餘漢人亦有時做行之如祈嗣得子或禱疾而瘳願遂乃舉俗稱還願領牲餽饗皆如儀但不設神版神竿耳此皆家人祭祀至於神廟前清載在祀典者爲孔子關帝城隍諸神每月朔望地方官親往拜之其不在祀典之廟尤不堪枚舉民國廢除淫祀今祀典所存者只文廟（孔子）武廟（關岳合祀）而已

附報賽 歲時祈報演戲酬神謂之報賽如祈雨謝降之類或當歲晚務閒相與醮金宴飲

演劇三五日亦曰賽社有古蜡遺風又有定期賽會如四月十八日爲耀州賽會二十八日爲虎莊屯賽會是日當事者俱儀仗簫鼓親往迎神並演獅子旱船高蹻竹馬抬閣等種種雜劇人皆爭先決觀有來自數百里外者南滿汽車特賣往復票減半價以饜座客本城及附近各縣如營口蓋平等處酒樓茶社及小商肆均賃地開設臨時營業計一日消費不止萬金其會之盛亦可想見矣

宴會

宴會之禮有古鄉飲酒之義尋常宴會多在正二月俗謂之會春觴臨時宴會如洗塵祖餞之類則無定期先由主人具柬邀賓屆期賓至主人肅客堂下揖讓而升有古禮主人拜迎賓於庠門之外之義賓齊設筵主人請賓入座少長以齒序此禮鄉間則然若城中則不專序齒似有賓介隆殺之分由主人署衆賓名粘之座次依次就座主人酌爵獻賓賓酢主人

海城縣志

卷七 人事 禮俗

二十一

然後醉酒成禮尋常宴會率用五鼎八簋俗呼八中碗食品以燕窩爲上魚翅次之海參爲下此城中官紳宴會也若鄉間宴會則不過鷄豚數事而已城鄉奢儉之不同即此已可概見近年洋酒盛行如香檳波蘭地等價值極昂非富紳達官不能用之至番菜本城尙未有用者凡喜慶事宴會席間樂工奏樂庖丁薦脯（俗稱獻片子）獻羹（俗稱嘗湯）正賓以次賞錢巨室往往藉此鬪富誠陋習也

民風

漢書地理志云遼東地廣民稀箕子教其民以禮義田蠶織作其民終不相盜無門戶之閉婦人貞信金史云舊風淳直其祭天地敬親戚尊者老接賓客信朋友禮意欵曲皆出自然元志云民性悍善騎射明一統志云人多僑居俗各異好又云人情淳實務農桑習禮文清盛京通志云舊俗性剛好獵質多文少今謹身率教守法奉公觀歷代史乘所載本境民風

已可概見然世運升降民俗不無變遷又安知其今不異於古所云耶查縣境東部山谷中民情樸拙多務蠶桑西部兩河一帶民風武健尙義任俠中部平原民性勤敏且堅忍耐勞全境女子皆以貞信自守但從前男女交際限制甚嚴故婦女有普通知識者少專賴男子爲生活近年女學昌明社會改進閭閻外之限稍寬然女子能爲獨立事業者尙寥寥耳

歲事

夏歷正月朔爲元旦五更前設香案於庭陳祭品然香燭向空拜祭（並然爆竹）俗謂接神以次拜祭竈神門神先祖畢（煮水餃食之謂之元寶湯亦有不食者）然後查閱歷書出門向喜貴財神等方位焚香叩拜謂之迎神黎明起戚友互投刺拜謁曰賀歲由元旦迄初三日凡所供神位前香斷即續謂之長香節初三日五更復焚香拜祭天地諸神及先祖如接神儀俗謂送神嗣後每日朝午夕焚香三次跪拜如禮商民無大異（商戶供財神不供先

祖工人兼供祖師）商家宴會休息六日至初六日晨起然爆竹開市彼此往來祝賀如祝歲儀初七爲人日家家食年糕言能益壽十五爲上元節俗呼元宵（現改春節）由十四迄十六商家皆張燈火奏管絃街市間辦演雜劇如龍燈高躡獅子旱船等沿街跳舞俗謂唱秧歌即古鄉人儺之義十五日燈火尤盛有星橋火樹之觀遊人雜沓攘往熙來至夜分乃止是夕各家食湯圓謂之元宵鄉民則送小燈於祖墓兒女戲迎紫姑以下休咎二十五日爲填倉日農家及米店皆以梁糶心作小耒耜盛飯一盂並納倉廩中焚香拜祭俗謂填倉二月初一日爲中和節初二日爲龍抬頭日（時當驚蟄前後爲龍蛇始振之期）各家庭中撒灰道復由大門撒至井邊俗謂領龍是日多食春餅至夜然燭於室中暗處名爲照蟲燭初十日爲花朝百花生日也清明前一日爲寒食節取禁煙之義清明插柳（今改植樹節）家家掃墓二月初二日爲上巳（按古以三月第一巳日爲上巳如上丁上戊之類後人

改爲三月初三）古人修禊之期人多至郊外踏青二十八日爲天齊廟會四月初四日爲牛頭山會初八日爲佛誕節十八日爲娘娘廟會（即碧霞元君廟）婦人無子者多於是日禱之而耀州山之娘娘宮香火尤盛二十八日爲虎瘡屯藥王廟會五月初五日爲端陽節（今改夏節）家家食角黍飲雄黃酒簷際插艾以辟毒癘小兒繫五色絲於臂謂之長命縷午飯開盛宴初十日爲城隍廟會十三日爲關帝廟會俗稱兩節六月初六日祭蟲王又爲曝書曬衣之日初中末三伏日（查歷書始知）家家食麵七月初七日爲乞巧節陳瓜果於庭兒女穿針乞巧是夜爲七夕俗謂牽牛與織女相會烏鵲填橋以渡之（見荊楚歲時記）十三日爲麻穀日新喪者燒紙哭奠謂之燒麻穀（此禮鄉間有行者城鎮無之）十五日爲中元節家家掃墓是夜僧道建醮曰盂蘭盆會放河燈以超度枉死之魂八月十五日爲中秋節（現改秋節）午飯開盛宴月初升時陳瓜果月餅於庭焚香叩拜以祭太陰俗稱掃墓焚冥楮俗謂送寒衣冬至日（查歷書可得現改冬節）以麵粉蒸饅首食之俗謂烝冬十二月初八日爲臘八日以黃米爲粥曰臘八粥二十三日俗稱小年家家以糖果祀竈除夕卑幼以次向尊長行禮謂之辭歲歲事畢矣

實業

農務

本城實業以農殖爲大宗居民業農者約三分之二每歲出產以高粱元豆爲最多小米次之境內氣候稍寒除二麥外歲鮮再熟之穀然土質多腴產量較富而遼河水運及南滿鐵路尤便交通惜民智未開種殖多泥古法對於造林防水諸計畫更少研究一遇水旱偏災即束手無策任其自然本城農會早未成立農業試驗場開辦數年亦無成效而罷農業之不發達有由來矣茲將關於農業緊要事項列左

(甲)土宜

縣治之附城廂地皆平原間有小山土質黃壤(俗呼黃砂土)含滋養料甚多近山部分稍含砂石不害耕種穀宜粱豆粟黍木宜松柏楊柳畜宜牛馬羊豕

海城縣志

卷七 人事 實業

二十四

縣境正東第一鎮山溪綰錯凹凸不平土質東南近山皆墳植(俗呼粘土)色赤性堅西北多黃壤近山砂石瘠薄穀宜粱豆蔬宜萑茄木宜松柞果宜梨杏畜宜牛羊

縣境東南第二鎮四面皆山地無平原其土黑墳間有墳植性質迥緊最宜柞樹蠶場甚夥縣境正南第一鄉多傍山爲田土皆黃壚(俗名瀉黃土)穀宜粱豆木宜柞梨畜宜牛羊

縣境正南第二鄉中部山勢如脊南北間有平原其土爲黃壤近山礫土瘠薄穀宜粟黍稷麥牧宜常畜

縣境正南第三鄉東近溪壑西多水澤土爲黃壚西南白壤(俗名白糖土)甚瘠薄穀宜粱豆畜宜鷄豚

縣境西南第三鎮東北平原西南漸窪土爲黃壚東爲黑墳宜棉花紅薯牧宜常畜

縣境正西第四鎮河水分流斜貫本境近河低田時有水患其土壤壚濱河黃壤土肥沃穀

宜菽豆秔粟蔬宜葱蒜菸芥木宜楊柳畜宜牛馬鷄豚

縣境正西第四鄉無坦無陂近河處時有水患地質黑壤近河色黃地宜梁麥秔稷麻豆草
宜蘆葦木宜檉柳牧宜常畜

縣境正西第五鄉東南平野西北漸低爲田水所匯地質黃壩下土黑墳性粘而膩穀宜梁
豆麻麥秔稷木宜榆柳畜宜騾馬

縣境西北第六鄉形如釜底衆水所趨其土爲青鹼性寒質疏地宜麻麥梁稷木宜檉柳牧
宜常畜

縣境西北第七鄉田地多窪下隰積潦常瀦近河爲白壤平野青鹼廣衍疏斥地宜五穀及
麥牧宜常畜

縣境正北第五鎮中部多平原東鄉山麓微磽礧其土皆黃壤兼含砂脈或雜黑墳地宜菽
粟棉花靛青畜宜牛馬羊豕

縣境正北第六鎮地多陂澤西爲黑墳東爲壤黃鹹瀉是錯穀宜梁豆秔稷畜宜牛馬
縣境東北第八鄉地爲陂陀土多黃壩性疏以粗近山砂石瘠薄地宜秔縹植棉種瓜木宜
松柏畜宜牛羊

(乙) 農時

立春 陽歷二月初四初五陰歷正月節舊制先立春一日用紙製芒神春牛像有司具鹵
簿陳儀衛親詣東郊行迎春禮今廢

雨水 陽歷二月十九二十陰歷正月中長工就傭農事初作

驚蟄 陽歷二月初五初六陰歷二月節地氣漸通蟄蟲始振修來耜糞田疇

春分 陽歷三月二十一二十二陰歷二月中日夜分地初解凍草木萌芽蔬圃植蒜

清明 陽曆四月初五初六陰曆三月節天氣暖百草生種麥及瓜又爲植樹節農家習慣
典贖地畝皆以此日爲限

穀雨 陽曆四月二十二二十一陰曆三月中時雨降種秔及早穀舊制是日有司躬詣先農
壇行籍田禮以重農事今廢

立夏 陽曆五月初六初七陰曆四月節生氣方盛種五穀雜蔬

小滿 陽曆五月二十一二十二陰曆四月中陽氣發洩五穀初生補種雜穀

芒種 陽曆六月初六初七陰曆五月節園圃植葱分茄秧初耘

夏至 陽曆六月二十一二十二陰曆五月中日長至王瓜雲豆熟再耘

小暑 陽曆七月初七初八陰曆六月節溫風始至玉蜀黍熟三耘

大暑 陽曆七月二十三二十四陰曆六月中天氣酷熱大雨時行刈大小二麥種蕎麥線

海城縣志 卷七 人事 實業

二十六

豆蘿蔔及菘掘馬鈴薯

立秋 陽曆八月初八初九陰曆七月節刈黍摘瓜晒菌蕈及淡巴菰

處暑 陽曆八月二十三二十四陰曆七月中溼熱氣盛百物易霉漚麻及靛

白露 陽曆九月初八初九陰曆八月節白露降類葱及菠拾棉花初割早穀

秋分 陽曆九月二十三二十四陰曆八月中日夜分百穀皆熟收穫禾稼

寒露 陽曆十月初八初九陰曆九月節築場圃納禾稼園圃掘葱

霜降 陽曆十月二十三二十四陰曆九月中霜始降百果孰掘菜醃蔬

立冬 陽曆十一月初七初八陰曆十月節雪始降窖藏蔬菜並選擇穀種

小雪 陽曆十一月二十二二十三陰曆十月中水始冰地始凍工作期滿蓋藏禦冬

大雪 陽曆十二月初七初八陰曆十一月節冰益壯地始坼道路大通輸賣穀豆

冬至 陽歷十二月二十二二十三陰歷十一月中日短至伐木作薪材農家報賽

小寒 陽歷一月初六初七陰陽十二月節糶穀買賣租賃地畝

大寒 陽歷一月二十二二十一陰歷十二月中納賦結賬預備迎歲

(丙) 肥料

肥料即大糞周官草人糞壤赤緹用羊湯澤用鹿今人不能詳細研求但知施糞而已本境除瀕河地方藉水灌溉無須糞力其餘無論土地肥磽一律施以肥料農家每年耕種後即製來年之糞其法取多量之生土與人畜糞摻和之或雜以蒿草並入窪坑中使含足水氣經半月許腐變倒換數次然後堆置墻隅俟來春運置地內每日地分灑百二十堆每堆以二百五十斤計之共約三萬斤又油籬豆餅等沉澱物及繭蛹等動物養料皆厚但價值稍昂惟種園蔬用之

海 城 縣 志

卷七 人事 實業

二十七

(丁) 水利 附災害

本境東南山中泉甘土沃開渠引水可種稻由其餘諸河之水多挾泥沙不可資以灌田至遼渾兩河僅供運輸之利然下游各村歷年頻遭水患甚則隄防崩毀村落爲墟西南滾子泡蓮花泊一帶爲本境汗澤東南山水匯歸於此無處宣洩每當六七月間大雨時行附近七十餘屯盡成澤國受害尤劇焉

(戊) 田制 附經營之法

本境田制以縱橫五尺爲一弓又曰一方步二百四十弓爲一畝每畝面積凡六千方尺（合萬國權度通制之六一四四公畝）從前旗地以六畝爲一日又曰一繩民地以十畝爲一日又曰一天然買賣地畝皆以畝爲單位按畝計值而不論日至租賃地畝雖論日數而其租金之高下仍視畝數多寡爲標準又土人習慣除三園地二四作畝外餘多按隴計畝

每隴以七百二十弓爲一畝隴寬約一尺七寸三隴即合一弓故以三乘二四而爲七二其名雖殊其實則一但隴有廣狹之不同究不如二四作畝公允近年買賣土地概用二四作畝七二之法已不適用每畝賣價上地百圓至八十圓中地五六十圓下地三四十圓不等典價半之至田產經營之法約有三端一曰自種地主或傭人耕穫傭人有長工有短工長工以年計短工以月計或以日計長工傭值較廉每人約需五六十圓或三四十圓不等短工則按農時之忙閒以定工值之多寡無定額也二曰租種地多者不能自種則出租於人大農受值小農受地春租年前交納者上地每日約租金四五十圓中地三十餘圓下地一二十圓不等間有秋租或糧租則較春租稍昂蓋暗加以子利也田賦正稅地主完納差徭雜費租戶認之三日分種大農出田小農出力所穫糧石柴草主佃平分餘悉與租種地同

(已) 產量

海城縣志

卷七 人事 實業

二十八

高糧即蜀黍每日地種子五升自播種至收穫約二十個人工普通地收穫六七石秫稻一千二百捆

穀子即粟春去皮爲小米每日地種子四升人工同上普通地收穫六七石穀草千餘斤

包米即玉蜀黍穀雨前播種至六月成熟者俗名六月鮮每日地可收穫四五石別有一種

曰秋八棒芒種前種八月成熟土人多於園圃種之

糜子即黍立夏播種至七月成熟每畝種子一升收穫可得石餘

小麥清明前後播種至六月成熟每日地種子一斗收穫約二三石拔取後可種蕎麥綠豆

秋蔬河西多種麥溝豆在麥未熟時先種大豆於溝中拔麥後豆苗漸長秋收三四石

大麥其佈種時期與小麥無異但成熟早十餘日每日種子一斗二升收穫可得六七石晚

田同上

元豆每日地種子一斗三四升收穫可得五六石分黃豆青豆白眉黑豆四種
小豆大抵於隴畝空隙播種故產額較少

綠豆六月中伏播種至八月底成熟每日地種子八升收穫可得二三石
蕎麥其播種收穫與綠豆同

菘子俗作纒子每日地種子斗餘窪地最宜收穫可得八九石或十餘石
稷子亦黍類每日地種子五六升收穫七八石遼河左右多種之

脂麻一作芝麻大抵種於瓜田園圃空隙之地故其產額甚少

地瓜蔓生宜沙土地下芽後蔓長二三尺約五六日掀翻一次至八月成熟一日地付種子
萬餘株約收穫七八千斤

地豆清明節後下芽有五月末成熟者有七月成熟者一畝地約收穫千餘斤

海城縣志

卷七 人事 實業

二十九

香瓜播種於清明穀雨之間每一株隔二尺許結實約六月或三伏時一日地付一萬二三千株人工六十個通常年可賣洋百餘圓又西瓜打瓜與此略同而打瓜子銷路尤廣
落花生宜沙土立夏播種九月成熟一日地需種二三十斤上年得收穫二千五六百斤中
年二千斤下年千餘斤

線麻土人多於壠畔路旁播種每畝可得百餘斤

縑線麻俗呼青麻穀雨播種七月收穫每畝可得百餘斤

大麻子即蔴子立夏前播種秋分後成熟每日地種子六升收穫二三石

錦花立夏播種七月成熟間日採之至九月收竣每日地種子三斗去子可得熟花二百餘
斤

(庚) 蔬圃

蔬圃爲農家副業到處有之至專以種蔬爲營業者則城鎮居多而尤以荒嶺子東南園子二處爲最常植之蔬以葱韭菠芹菘茄蘿蔔爲大宗芥蒜瓜瓠山藥等次之種蔬肥料多於種穀五倍汲水灌溉人工亦多每畝園地年約賣洋五六十圓從前蔬菜僅銷本境近年交通便利多運銷北省各埠以致蔬價日漲而業蔬者因亦日見增多焉

(辛) 果園

果園亦農家副業園中庭畔每植三五株至園林則山中最多所產有檀梨桃杏等而尤以梨爲大宗梨之種類甚多有白梨紅梨接梨酸梨平梨香水梨等名稱此外楊家店之杏哈嚕碑之李亦著名特產物近年鍾家台鍾姓培養園林栽植葡萄果樹約百餘畝爲本境果園之最大者將來營業發展亦地利之一端也

(壬) 林業

海城縣志 卷七 人事 實業 三十

本境無官有林即民有林亦任其自然生長不講種植保護之方以致木材日少各地輪伐木材皆在春秋兩季惟採伐薪材專爲冬季事業大抵在十月至十二月間爲多至輪伐年限松十五年至二十年始成材柞爲飼蠶計四五年即伐作薪楊柳生長最速亦須七八年至其用途油松專供建築杉果松建築棺槨皆可用之本境無多楊柳除棺槨外別無他用榆柞中車材大者甚稀東山木材多行銷於牛海二城歸木行收買四鄉皆取給於此河西薪材多行銷於遼河商船其買賣狀況土人將薪材運至河干架小屋貯之商船用乾薪時則就此購買近年遼河淤塞商船日少薪材因之日見少銷云

(癸) 牧畜

本境家畜以牛馬騾驢爲多富室耕田駕車多養騾馬中產以下者間養牛驢諸畜之中惟牛孳乳蕃息利益最大牛糞滋養料亦較馬糞爲多以其反芻之故山中居民多養荒牛春

夏秋放之野外冬季則以雜芻飼之每歲子母滋生可得一倍之利養豚之利次於養牛每年賣豚足抵飼養料淨得積糞肥田故農家多以為副業羊有山羊綿羊兩種皆非農家常畜惟專其業者豢之其目的在收羊毛之利近年到處禁山養羊者日寢少矣此外家畜則有猫犬家禽則有鷄鴨皆家常畜之物猫犬雖無生殖之利然守夜捕鼠亦大有功於人而鷄鴨產卵之利於農家不無小補焉

農會附

本城農會早未成立民國十二年春縣公署始奉令籌辦農會以期研究農業改良種殖其組織之法各區設鄉農會以區長兼充會長城內設縣農會為全境農務總機關縣農會由各區鄉農會每處推舉代表三人來城公舉正副會長及文牘庶務會記各職員刻已舉定李程九為正會長何永泮為副會長王慎卿為文牘員王世繼為會計員梁毓秀為庶務員

海城縣志

卷七 人事 實業

三十一

外有評議員十人調查員十人城關會員八十三人全境會員六百七十人每人年納會金二圓作農會常年經費各區鄉農會職員會員數目臚列於左

第一區鄉農會正會長一人副會長一人評議員四人調查員二人文牘兼庶務員一人書記一人會員六十六人

第二區鄉農會正會長一人副會長一人評議員四人調查員二人文牘兼庶務員一人會員七十五人

第三區鄉農會正會長一人副會長一人評議員四人調查員二人文牘兼庶務員一人書記一人會員七十人

第四區鄉農會正會長一人副會長一人評議員四人調查員二人會員五十九人

第五區鄉農會正會長一人副會長一人評議員四人調查員二人會員九十五人

第六區鄉農會正會長一人副會長一人評議員四人調查員二人會員五十三人
第七區鄉農會正會長一人副會長一人評議員四人調查員二人文牘兼庶務員一人書記一人會員六十八人

第八區鄉農會正會長一人副會長一人評議員四人調查員二人會員五十人
第九區鄉農會正會長一人副會長一人評議員一人調查員二人會員五十九人

苗圃附

苗圃之設所以使人民有愛林思想藉以推廣林業本年縣公署奉遼瀋道尹訓令籌辦苗圃現已擇定城北三十里甘泉舖學田一段地勢平坦土質肥沃少帶沙性含有機物之成分易受風化作用其水含甘質富於輕養二素宜植物之吸收地之四圍東達縣道便於交通北界溝渠可資灌溉西南昆連平壤空氣流通適宜於造林面積八十畝內分四部東北海城縣志 卷六 人事 實業 三十二

部爲播種苗圃修理苗床苗池播種針葉樹類如扁柏羅漢柏赤松馬尾松落葉松等東南部爲床替苗圃將已成之苗木尙未移植於造林之地先由播種床池移植床替地培養之西南部爲播種普通之闊葉樹類如柞樹洋槐本地槐角楸魯桑熱河槐等西北部爲插枝伏條之地並建築房屋五間技士兼遊人休息室二間夫役室二間餘一間存儲器具於民國十二年七月開辦遴委奉天甲種農林學校林科專門畢業生朱久安爲苗圃技士兼主任一切開辦經常各費請准由地方公款一成存儲項下開支預計三年時能育苗木二十萬株四五年後每年能育苗木三十萬株十年樹木之功不難收效於他日也

全境農產收穫約數表

穀	別地	之畝數	每畝平均斗數	總收穫數
高粱		七五〇〇〇〇	七	五二五〇〇〇

考 備	總 數	脂 麻	種 子	海 城 縣 志	糜 子	綠 豆	小 豆	蕎 麥	大 麥	小 麥	秔 子	包 米	穀 子	元 豆
表內收穫之數係按中等年高下地平均計算表內地之畝數以畝為單位每畝收數以斗為單位總收穫數以石為單位	二二〇〇〇〇	五〇〇〇	一〇〇〇〇	卷七 人事 實業 三十三	五〇〇〇	一〇〇〇〇	二〇〇〇〇	一〇〇〇〇	一五〇〇〇〇	一五〇〇〇〇	五〇〇〇〇	二〇〇〇〇〇	三〇〇〇〇〇	五〇〇〇〇〇
						七	三	四	三	八	三	九	五	八
	一三三六〇〇〇	一五〇〇	七〇〇〇		三五〇〇	三〇〇〇	八〇〇〇	三〇〇〇	一二〇〇〇〇	四五〇〇〇	四五〇〇〇	一〇〇〇〇〇	二四〇〇〇〇	二五〇〇〇〇

農家歲出歲入比較表

田 賦	歲出類別	每年每畝	歲入類別	平均價目	每年每畝	比較贏虧
一五	高	梁	七斗	一元二角	八四〇	贏 一六〇

海城縣志	農工	種糧	肥料	屯會雜捐	附加捐	糧捐	學校捐	自治捐	保甲捐	畝捐
卷七 人事 實業	二〇〇	七〇	一〇〇	一〇	三	一〇	五	二	五	一〇
三十四	糜子	綠豆	小豆	蕎麥	大麥	小麥	杭子	包米	穀子	元豆
	七斗	三斗	四斗	三斗	八斗	三斗	九斗	五斗	八斗	五斗
	一元一角	二元二角	二元一角	七角	八角	二元六角	一元六角	一元二角	一元二角	二元一角
	七·七〇	六·六〇	八·四〇	二·一〇	六·四〇	七·八〇	一四·四〇	六·〇〇	九·六〇	一〇·五〇
	全	全	贏	全	全	全	全	全	全	全
	一九〇	八〇	二·六〇	三·七〇	六〇	二〇〇	八·六〇	二〇	三·八〇	四·七〇

海城縣志

卷七 人事 實業

三十四

考	備	總數	牛犂
	表中歲入僅列糧豆而無柴草似農家贏餘尙多然歲出內車牌捐牲畜捐一切雜費不可以畝計者正屬不少彼此足以相抵	五·八〇	一·五〇
		脂	稗子
		麻	子
		三斗	七斗
		三元	七角
		九·〇〇	四·九〇
		贏	虧
		三·二〇	九〇

工務

本境工業以山絲豆油爲大宗燒酒次之此外動植礦物製造雖多然無甚可稱者近年絲業油業大見發達其餘各種製造品銷路仍不甚暢丁此外貨輸入日見增多之時非工業

改良力求進步實無以競物質文明之勝而濟農商各業之窮也各種製造品臚列於後

(甲) 植物製造

豆油 用碾壓豆爲薄餅以籠蒸之使含足水氣裹以油草圈以鐵箍疊數重置榨中加楔以錘擊之其汁下流池中爲油每架用豆二斗三升出餅四片油八斤每日約共出餅八十片油一百五六十斤此舊法製造需工多而出貨少近年開設機器油房數家碾榨俱用汽機不借馬力每日打豆七十餘石出大餅五百片出油二千五百斤較之舊法出貨增加十數倍亦工業改良之一端也

豆餅 即豆油之糟粕有二種舊法製造每片重十八斤爲小餅專銷本境機器製造每片重五十斤爲大餅運銷南省

燒酒 即高粱酒破梁爲屑每班四石加麴一百二十塊藏窖內經三十日醞釀已成輪流更換取出以甌蒸之蒸氣下流爲酒每日一班約出酒三百提至造麴之法用大麥小豆爲原料於夏秋之間造之燒酒爲土貨大宗半銷本境半銷南城

黃酒 煮黃米爲粥著麴置甕中釀數日然後合水入榨漉之黃酒麴由山東輸入

小綠豆粉 磨豆成汁用粗布漉出其渣滓澄之取其沉澱之粉調以水使稠粘然後用有孔瓠瓢頓宕使粉汁下流落滾水中熟即成條用箸挑出納冷水中以手挽出曬之便成乾粉多銷本境粉渣粉漿可飼豚能造肥料故農家多設粉房以爲副業

家機布 鄉間婦女紡棉爲線用機織之曰家機布每疋重四斤又有用洋線洋機織者曰洋線布重三斤餘較南來尺布價廉商家銷售極多抹花布用厚紙刻各種花樣模形鋪布上以石灰和麩攤之去紙模晾乾置染缸中染之成色俟乾去粉謂之提花布可製被褥近年工本較多製者甚少多南來小花布

靛藍 葉熟時刈置甕中漚五六日視其藍色洩盡去葉攪以石灰然後澄之成靛近來種靛者極少多用外國靛油色嬌不能耐久

香 碾榆皮爲屑和柞木粉（本溪湖水磨製造）如姜黃藥材檀香等料和以適宜之水分以機械製造成條置香羅內晒乾裹以紙封每樁日出八十封

改連紙 碾碎舊繩用石灰漚三四日取出烝之烝畢淨洗成絨和以水置鍋內煮之令沸然後置水池中以竹匾抄漚層層疊置抄畢揭取糊牆上晒乾成紙每線日出四疋

葦席 攢葦爲篾礮壓之使柔韌然後用人工織之亦土貨大宗

木炭 伐木斷三四尺許掘土作竈裝置如房架形以粘土塞其上部竈兩側設二門自一門燒之視烟色已淡便是成熟火候然後密封之約三四日取出一竈可得三百斤

（乙） 動物製造

海 城 縣 志 卷七 人事 實業

三十六

靛鞣 取生牛皮伐其毛置竈上以茅草燃薰令色微黃且柔韌工人裁縫即成農家皆用銷路甚廣

白皮 取生騾馬皮去其毛用礦灰炙熟可用製皮帶及轅馬家什
繭絲 詳見蠶業

繭綉 以繭絲織成仿織布法近年花綉銷路甚暢

（丙） 礦物製造

石灰 掘地爲竈取青版石架置其中燒半日許止火間日取出用時以水泛之便成灰
土鹼 於斥鹵之地取土置釜中熬之成鹼與製硝之法略同但土質迥異

磚 築土爲窰高四丈餘箔土爲坯置其中燒之後五六日取出成磚每窰約萬餘塊

瓦 以泥作圓輪劃分四瓣即成瓦形燒法與磚同至琉璃瓦則以陶磁土粘土二者配合

而成凡燒三四次始成瓦清時工部派員監製專供陵寢宮殿之用

金銀首飾 用爐火製之鑲嵌雕鏤時噓以燈火令柔軟然後製之銀首飾別有包金鑲金
蘸黃燒藍等製法

銅器 銅分生熟二種生銅鎔化鑄器熟銅用板錘之成器銅首飾製造與銀首飾同

錫器 箔錫爲板隨其所用大小程式剪爲片然後攢合鐸之成器鉛器製法與錫器同

鐵器 鐵分生熟二種生鐵鎔化可鑄鑊子大小鍋鐘磬洋爐等物熟鐵用爐冶之以錘擊
之可製車瓦車釘刀勺鋤鎌馬掌等物

(丁) 相合製造

車 以木爲輪以鐵爲瓦以革爲家什皆人力造

蠟 以細葦管蘸牛油麻油外以白臘爲皮有紅白二色

海城縣志

卷七 人事 實業

三十七

炸 攤泥於紙晒乾隨所用之大小切爲片爲小鐵棍捲而搓之令堅實然後抽去棍泥塞
其一端中實以藥紮其頸使凹入錐孔加藥線編之成炸

炮 製法與炸同惟其撚稍短單個施放

右列各種工業除機器油房外純用人力製造不見改良惟刻字鋪改石印局洋線布改
用洋機及成衣鋪靴鞋鋪改使機器縫紉實較從前便利精巧工業進步觀此已略見一
斑矣

商務

本城南通蓋營北達遼瀋昔年商業極稱繁盛自甲午以來迭遭兵燹百業零彫幾至一蹶
不振及東清鐵路告成運輸較便商業稍見恢復近年絲業發展外商雲集經濟競爭日形
激烈當此商戰時代急宜振奮精神固結團體羣策羣力積極進行則商業前途庶有豸乎

有關商業事項列後

(甲) 商會

本城商會設在大南門裏三義廟院內在商會未設之先本城舊有三籍會設在山東會館院內即山東幫山西幫直隸幫三籍舖商所組織之公共團體實爲後日商會之權輿及清光緒三十二年知縣管鳳龢奉東督趙爾巽札飭遵照部章擬設海城商務分會其主旨在統籌商務協進商政獎工勸業調解紛糾全體會員三十二人選舉姜得春爲總理孫應甲爲協理辦理本會事務同時牛莊騰鰲堡二處亦設立商務分會與縣城同及民國二年奉文改組定名爲海城縣商會改總協理爲正副會長會董三十四人選舉張鴻翮爲會長張顯揚爲副會長推舉特別會董一人文牘庶務各一人並遵部章設立公斷處凡工商業中有爭議暨債權債務糾葛時得公斷之牛莊商務分會亦同時改組惟將騰鰲堡商務分會取消改爲海城縣商會分事務所推舉董事一人辦理該所事務各處商會經費均由本處商戶擔負每年約需洋四五千圓

(乙) 橋會

本城南門外沙河原有柴橋二座昔歸三籍會歷年經理修造及三籍會取消另組橋會附設商會之內每歲十月建造輿梁至來春三月撤毀改設徒杠以免行人病涉二橋皆長里許每年修造約需秫秸二十餘萬可謂鉅工矣

(丙) 天一會

本城天一會即水會設在商會院內推舉會董二人督理消防事宜遇有火警鳴鑼爲號在會衆商家出一人分任救護之事不到者照章罰辦從前僅有水機水槍不甚適用近年購買水龍五具分置城內四關以備不虞每年六月操演一次其經費由房捐開支牛莊水會

亦歸商會辦理一切設備與本城同

(丁) 儲蓄會

本城向無金融機關民國九年經紳商兩界發起組織地方儲蓄會以接濟地方金融提倡人民儲蓄爲宗旨當集股本九十六萬圓於民國十年正月開辦經股東會議公舉孫紹宗爲會長孫承文爲經理徐寶賢爲副經理並舉副會長二名董事十名查賬員四名自成立以來成效卓著地方金融極形活潑而營業亦日見發達十一年春邑紳劉清易李程九等復發起組織農商儲蓄會股本一百二十萬圓一切規模與地方儲蓄會同是年牛莊商界又集股本六十萬圓在牛莊設商民儲蓄會全境共有儲蓄會三處

(戊) 幣制

縣境商家從前交易以現銀爲主幣銅錢爲輔幣市面通行之寶銀皆奉天營口製造者他

如京寶白寶概不多見每錠寶銀可重五十三兩四錢有奇每日隨市叫行每兩大抵以東錢十吊爲率以營造交換他項寶銀則有扣色加色之分外有排銀即寶銀排成小塊者行使時皆須扣色謂之去火耗甲午善後國家改鑄銀圓輔以銅幣銀圓分壹圓伍角貳角壹角半角之五種行使時每圓作市價七吊東錢以銅錢十六文爲一百百六十四文爲一吊曰八二錢營口以一百六十文爲一吊曰八十錢後改銅幣分當十當二十之兩種以當十銅幣十枚抵銀元一角若市面銅幣充斥時則以十一枚或十二枚抵一角民國成立紙幣盛行銀圓日見減少本境通行之紙幣爲奉天官銀號興業銀行及奉天中交兩分行之銀圓票分一圓五圓十圓三種外有奉天公濟平市錢號之銅枚票以便找零分五枚十枚二十枚五十枚一百枚共五種近年奉省改變大洋以小洋十二角作大洋一元紙幣仍分一元五元十元三種

(巳) 度制

縣境商家沿用之尺以蘇尺為標準比工部營造尺加一寸買賣布疋用之至土木工程則用營造尺

(庚) 量制

縣境各處量制不一本城牛莊每斗皆二十五斛與營斗無異騰鰲堡虎獐屯高坨子比城斗漲升半高麗房黃沙坨比城斗漲三升耿莊子析木城馬風屯等處皆與城斗同

(辛) 衡制

縣境商民沿用之秤係八六秤重量以舊東錢八百六十文(即制錢一百四十枚)為十六兩曰一斤與各城不甚相差至市平每百兩較瀋平漲七錢一分牛莊騰鰲堡與瀋平同

全境輸入輸出表

輸出品	額	數
紅糧	五〇〇〇〇〇	石
青豆	五〇〇〇〇〇	
小米	一〇〇〇〇〇〇	
包米	八〇〇〇〇〇	
瓜子	三〇〇〇〇	
豆油	二〇〇〇〇〇〇〇	觔
豆餅	一〇〇〇〇〇〇〇	片
燒酒	一〇〇〇〇〇〇〇	提

套布	標布	市布	坎布	打連布	花旗布	洋線布	尺布	輸入品額	雞鴨毛	豬鬃馬尾	獸皮	靴鞣	葦席	繭紬	挽手	繭絲	山繭	礦石
一〇〇〇包	六〇〇	五〇〇〇疋	五〇〇	三〇〇	一五〇〇件	八〇〇〇〇疋	一八〇〇件	數	值一〇〇〇	值三〇〇〇〇	值七〇〇〇〇元	二〇〇〇〇雙	五〇〇〇〇捆	五〇〇〇〇疋	四〇〇〇〇	五〇〇〇〇劬	二〇〇〇〇籠	五〇〇〇〇〇

海城縣志

卷七 人事 實業

海城縣志

卷七 人事 實業

四十二

羽 紬	板 綾	夏 布	官 紗	光 華 紗	東 洋 緞	西 素 緞	線 縐	洋 縐	素 卜 紬	串 細	線 春	花 絲 葛	魚 鱗 緞	國 華 緞	花 褲 緞	青 貢 緞	紅 洋 機	色 花 布	影 白 布
五〇	八〇 <small>疋</small>	一〇〇 <small>件</small>	二〇	三〇	六〇	四〇 <small>連</small>	八〇	五〇	二〇〇	一五〇	一二〇	二〇〇	一五〇	一二〇	一五〇	三〇	六〇〇	一二〇〇	二〇〇〇 <small>疋</small>

白官紙	川連紙	京海紙	佛表紙	棉花	線麻	色軸線	色卡線	白洋線	白格線	洋紗	法藍絨	打連絨	口絨	嗶吸	線呢	俄呢	洋素卜	線緞	泰西緞
一〇〇〇 <small>扛</small>	三五〇 <small>雙</small>	一五〇〇〇 <small>塊</small>	一二〇〇〇 <small>雙</small>	二〇〇〇〇〇	三〇〇〇〇〇 <small>筋</small>	一〇〇〇	一〇〇〇 <small>維</small>	七〇〇	七〇〇 <small>捆</small>	二〇〇〇	五〇〇	八〇〇	五〇〇	三〇〇	八〇〇	二〇〇	一五〇	二〇〇	四〇〇

海城縣志 卷七 人事 實業 四十三

洋燭	洋釘	洋火柴	廣大料	古月	花生	洋鹼	面鹼	玉藍片	青笋	海城縣志	牛筋	猪筋	蟹肉	葛仙米	江瑶柱	魚肚	魚骨	魚翅	海帶菜	針金菜
三〇〇〇	一〇〇〇	五〇〇〇箱	三〇〇〇	三〇〇〇	七〇〇〇	五〇〇〇〇觔	六〇〇〇色	一五〇〇〇觔	五〇連	卷七	八〇〇	五〇〇	五〇〇	三〇〇	五〇〇	二〇〇	二〇〇	二〇〇	五〇〇〇〇	八〇〇〇
										人事										
										實業										

海城縣志

卷七 人事 實業

藍花皂

一〇〇〇〇

洋傘

一〇〇〇〇柄

洋毯

一〇〇〇〇條

洋麵

一二〇〇〇〇〇袋

紙烟

二〇〇〇〇〇箱

土鹼

六〇〇〇〇〇塊

靛油

八〇〇〇箱

鉛粉

五〇〇〇箱

顏料

值三〇〇〇〇圓

茶葉草

八〇〇〇〇〇筋

海城縣志

卷七 人事 實業

圖書

值五〇〇〇〇〇元

毛筆

五〇〇〇〇封

鉛筆

三〇〇〇〇扎

石筆

二〇〇〇〇盒

香墨

一二二〇〇〇筋

瓷器

值二〇〇〇〇〇元

鐘表

三〇〇〇〇〇件

玻璃

一〇〇〇箱

草帽

一〇〇〇〇〇打

衛鞋

一二〇〇〇〇〇雙

海城縣志

卷七 人事 實業

皮鞋

三〇〇〇

皮靴

二〇〇〇

化妝品

值
二〇〇〇〇元

皮酒

一〇〇〇〇瓶

牛乳

一〇〇〇〇盒

餅乾

五〇〇〇

鳳梨

二〇〇〇〇

橘子

一〇〇〇〇箱

甘蔗

一〇〇〇〇担

藥材

值
八〇〇〇〇元

木材

值
二〇〇〇〇

粒鹽

二〇〇〇〇〇〇

牛皮

五〇〇〇張

羊皮

五〇〇〇

金

一〇〇〇兩

銀

一五〇〇〇

銅

二〇〇〇〇筋

錫

三〇〇〇〇

鉛

五〇〇〇〇

鐵

五〇〇〇〇〇

煤
炸

三〇〇〇〇
噸

煤
油

一五〇〇〇
箱

木
炭

一〇〇〇〇〇〇〇
筋

木
柴

三〇〇〇〇〇〇〇〇

海
城
縣
志

卷七 人事 實業

四十八

煤油代理店

洋面代理店

紙烟代理店

大車店

小車店

客棧

儲蓄會

以上屬於商業者

燒鍋

黃酒館

五

六

六

八

二

一〇

二

四

五

海城縣志

卷七 人事 實業

五十

機器油房

油房

框絲房

山紬莊

香舖

紙房

染房

靴鞣舖

白皮舖

木局

四

四

一六

二

三

四

七

一五

二〇

七

口袋房

羅圈鋪

熾鋪

炮鋪

缸席鋪

箕鋪

繩麻鋪

機匠房

畫匠鋪

糕點鋪

海城縣志

卷七 人事 實業

五十二

鮮果局

香油房

醬園

豆腐房

飯館

燒餅鋪

棚鋪

鼓樂房

澡塘

理髮店

一

五

二

四

六

一

七

二

四

一〇

一〇

一三

一

二一

一三

二八

二

二

四

一七

照像舖

牙醫館

石匠房

泥瓦房

石灰房

滑石公司

洋鹼公司

缸 窑

磚瓦窑

以上屬於工業者

二

三

一

四

八

一

一

一

六

海 城 縣 志

卷七 人事 實業

五十三

鑛務

本境東部多山鑛產豐富各種石類尤為大宗苟經營有方未始不可獲利也第因鑛業入才不足資本有限又無機器以代人工是以開採多年成效未著良可惜也急宜合羣力集眾資研究改良以求發展則地利闢而寶藏興矣鑛山鑛業附後

(甲) 鑛山區域

地名	面積	積鑛	質
上英阿 <small>即上窩窩</small>	五百三十八畝		長石
楊家南溝	一方里七畝		長石
前勒馬峪 <small>范家堡</small>	一千三百八十八畝二分		苦土
侯家隈子	六十二畝五分		滑石
海城縣志 卷七 人事 鑛務 五十四			
麻兒峪	一百零六畝四分		滑石
麻兒峪	一百九十九畝二分		苦土
紅土嶺子	二百九十八畝六分		苦土
楊家店	四百六十四畝七分		苦土
楊家店	一百三十畝		苦土
楊家店	十九畝九分		滑石
蟒洞峪 <small>太陽溝</small>	三百十七畝		弗石
炒鐵河子	四千八百尺		砂金
廟兒溝	二百九十五畝		滑石
廟兒溝	一百一十一畝		滑石

廟兒溝

九十畝

滑石

廟兒溝

七十六畝八分

滑石

廟溝界蓮花山

二百四十五畝四分

苦土

廟溝北金家堡子

一百十畝零三分

苦土

金家堡子郭家堡子等處

一千三百七十五畝九分

苦土

宋家堡子

十七畝三分

滑石

賈家堡子

五十畝雲七分

滑石

三角山下房身

三百七十四畝一分

滑石

窰子峪

楊樹溝

九十五畝五分

滑石

窰子峪

楊樹溝

六十畝

滑石

海城縣志

卷七 人事 鑛務

五十五

窰子峪

楊樹溝

十三畝九分

滑石

瓔珞山

一百七十畝六分

滑石

老母溝

六十畝

弗石

大鑊子峪

一千零零五畝二分

苦土

范家峪

一千三百六十二畝二分

苦土

黃單屯

一百二十二畝三分

滑石

盤嶺

七百十七畝零五分

砂金

火石嶺界青山懷

九百九十三畝六分

銅

火石嶺子朱家堡

三百八十畝

苦土

火石嶺子朱家堡

三百畝

苦土

平二房

五百六十畝零六分

苦土

平二房

五百五十四畝七分

苦土

平二房

一百零六畝

滑石

平二房

一百畝

滑石

大嶺

四百六十二畝二分

滑石

大嶺

二百五十五畝

滑石

大嶺

四百六十三畝

滑石

大嶺

五十畝

滑石

大嶺

五十一畝

滑石

大嶺

四百三十一畝五分

苦土

海城縣志

卷七 人事 鑛務

五十六

峪子溝

一百零六畝六分

苦土

太公堡道士屯等處

七百五十七畝九分

鐵

小嶺子火龍寨等處

四方里三百三十五畝

鐵

下靛池溝鐵石山

一方里二百二十畝

鐵

以上鑛山係業經鑛商報領之區其未報者尙有多處略誌如下

大坎子下英阿楊家南溝

沙金

石門嶺嶺夾空子馬風屯

沙金

梨樹溝

砂金

戴家溝

煤質未成

高家峪

青石板

里兒峪		青石灰
康家峪		石灰石
朱紅峪		石灰石
老爺廟溝		石絨
白石寨		碾磨石

(乙) 鑛業狀況

金鑛 本境金鑛發見最早前清時代禁例綦嚴及光緒二十五年因兵燹之後國帑空虛遂弛鑛禁任民開採以興地利國家徵收鑛稅兼裕餉源是年春由省派委員董玉麟連科趙鼎臣等來海專辦採金事宜當募鑛工數百人在境內大坎子下英阿楊家南溝及馬風屯嶺夾空子等處淘採數月因金苗不旺試辦無功遂停辦嗣後官辦商辦非止一

海城縣志

卷七 人事 鑛務

五十七

次均無利可獲採金事業遂終止焉

石鑛 本境石鑛早未發明及民國二年本縣前知事田雨時在任時留心實業卸篆後聯合紳商組織公益有限公司為吾邑鑛業之嚆矢由是民智大開報鑛者接踵而起然皆限於經濟未能發展公益公司開辦數年亦不甚獲利後歸鑛商于沖漢經理鑛山五處每年約採滑石八百萬斤均售日商可製牙粉化妝品及造紙燒瓷等料此外石鑛尚有

多處所產皆滑石苦土石白雲石等類至弗石長石等鑛迄今尚未開採

鐵鑛 本境鐵鑛多在東北各山蓋由鞍山西陽寺來脈如靛池溝等處已經鑛商于沖漢報領尚未開採

銅鑛 本境銅鑛甚稀已報領者只火石嶺一處亦未開採

石炭 本境炭鑛無多僅戴家溝等處發見煤線屢經外人掘驗因煤質未成不適燃料之

用

石棉 本境老爺廟溝石棉甚多（俗呼石絨）性柔韌多纖維質不畏燃燒爲火澣布之原料土人不識其用僅以之製火爐

石灰石 本境康家峪所產鑽石色白而青含有碳酸鈣性質可製石灰土人造窑七座專燒石灰運銷境內凡建築及消毒皆用此灰銷路甚廣

碾磨石 本境白石寨所產白石色青白有微斑俗呼小豆石乃巖石類其成分極堅緻可製碾磨及條石柱石運銷各處用途甚廣

蠶業

本境山絲爲土貨大宗且產額極富銷路亦廣東山土地磽薄生計艱窘人民皆賴此業以謀生活近年絲業大昌山繭驟貴凡業此者均獲厚利且外資輸入地面亦因之振興養蠶

海城縣志

卷七 人事 蠶務

五十八

之業其利溥哉本縣境內荒山極多急宜廣栽柞樹提倡蠶業亦地方一大富源也茲將蠶事列左

（子） 蠶場之區域

蠶性喜燥惡濕東山一帶地勢高亢晴多雨少無不宜蠶而東南二鎮蠶業尤盛正東一鎮次之東北八鄉稍遜近因絲業發達亦漸提倡蠶業

（丑） 養蠶之計畫

蠶場一把剪子約五六十畝可植柞樹四千株能放繭種六千個得母蛾二千四百個產子五六十萬除病死外平年得繭十萬個豐年十五六萬個一人能放一分半即九千繭種平年得繭十五萬豐年得二十餘萬有俄傾致富者

（寅） 種柞之方法

山蠶非柞不食故種柞爲養蠶要素柞樹俗呼薄羅科其種類甚多有大葉柞小葉柞尖葉胡科等區別其實曰椽子凡土含砂石者皆適宜於秋季播種敷土深淺以一寸爲度每株有四尺之距離來春穀雨即發芽經七八年即可飼蠶柞樹年久不宜飼蠶每年輪流採伐約每四五年必伐一次令最高者不過六七尺經採伐後一二年者爲芽科此上等樹也專飼幼蠶三四年者爲三芽科中等樹也四五年後樹質漸老乃下等樹也可飼三四眠後之老蠶然老樹蠶質終不及幼樹之良也

(卯) 蠶種貯藏法

春蠶秋蠶原是一種春蠶種由上年秋蠶所取秋蠶種由本年春蠶所取貯藏方法每年寒露節後將繭自柞樹上摘歸家中作棚於廣庭置繭其上至小雪之交天氣漸冷移貯筐中置屋內至冬至之交益當與以溫度於炕上置木板置繭其上每日以手上下動轉一次令

海城縣志

卷七 人事 蠶務

五十九

其寒暖適均至來年清明節以細繩串連挂適宜處以俟蛾出屆時繭中之蛾自吐一種酸液溶解其繭一端之膠質穿穴而出大抵常在日沒時分至夜半時入筐交配其雌雄(雌蛾大而眉細雄蛾瘦而眉廣最易識別)來日啓筐去雄留雌待子產盡乃棄之所產之子至穀雨節後孵化之是爲秋蠶所產之春蠶也秋蠶小暑後自柞樹上將春繭摘下用麻繩串連挂於善透風之屋至盛夏初伏蛾即出其配雌雄等法與春蠶無異但來日午後將雌蛾放於柞樹上以細草繩繫之令產子於其上產後十餘日孵化是即爲春蠶所產之秋蠶也

(辰) 蠶之飼養法

春蠶孵化在穀雨節前其始生時極小而黑於屋內孵化後放置於嫩葉上用繩束枝以防暴風吹落俟蠶兒稍大始解去蠶食葉六七日脫去黑皮謂之起青即初眠初眠不食三四

山蠶非柞不食故種柞爲養蠶要素柞樹俗呼薄羅科其種類甚多有大葉柞小葉柞尖葉胡科等區別其實曰椽子凡土含砂石者皆適宜於秋季播種敷土深淺以一寸爲度每株有四尺之距離來春穀雨即發芽經七八年即可飼蠶柞樹年久不宜飼蠶每年輪流採伐約每四五年必伐一次令最高者不過六七尺經採伐後一二年者爲芽科此上等樹也專飼幼蠶三四年者爲三芽科中等樹也四五年後樹質漸老乃下等樹也可飼三四眠後之老蠶然老樹蠶質終不及幼樹之良也

(卯) 蠶種貯藏法

春蠶秋蠶原是一種春蠶種由上年秋蠶所取秋蠶種由本年春蠶所取貯藏方法每年寒露節後將繭自柞樹上摘歸家中作棚於廣庭置繭其上至小雪之交天氣漸冷移貯筐中置屋內至冬至之交益當與以溫度於炕上置木板置繭其上每日以手上下動轉一次令

海城縣志

卷七 人事 蠶務

五十九

其寒暖適均至來年清明節以細繩串連挂適宜處以俟蛾出屆時繭中之蛾自吐一種酸液溶解其繭一端之膠質穿穴而出大抵常在日沒時分至夜半時入筐交配其雌雄(雌蛾大而眉細雄蛾瘦而眉廣最易識別)來日啓筐去雄留雌待子產盡乃棄之所產之子至穀雨節後孵化之是爲秋蠶所產之春蠶也秋蠶小暑後自柞樹上將春繭摘下用麻繩串連挂於善透風之屋至盛夏初伏蛾即出其配雌雄等法與春蠶無異但來日午後將雌蛾放於柞樹上以細草繩繫之令產子於其上產後十餘日孵化是即爲春蠶所產之秋蠶也

(辰) 蠶之飼養法

春蠶孵化在穀雨節前其始生時極小而黑於屋內孵化後放置於嫩葉上用繩束枝以防暴風吹落俟蠶兒稍大始解去蠶食葉六七日脫去黑皮謂之起青即初眠初眠不食三四

日形狀如昔又六七日則身體發達全脫外皮是即二眠由是而三眠四眠大抵孵化三十日即可上簇春蠶於夏至之交上簇至小暑終秋蠶於秋分前後上簇至寒露終上簇無春秋二蠶之別蠶兒在柞樹看守者最要注意食此樹葉盡後宜急移於彼樹對於各種之患害亦宜時時留心

(巳) 蠶害及蠶病

淫雨暴風嚴霜最爲蠶害蟲鳥亦能爲害而絕大之障害尤莫如牧羊蓋羊口有一種酸臭突入柞林將嫩葉食盡甚有害於柞樹之生育故各村蠶場地方皆以爲禁至害蟲則以紅礬參合豆粉散布樹下以除之害鳥則以鳥槍震驚之或仿稻人之法以恐嚇之惟防雨之法無人研究至蠶病則有三種一曰屾於蠶體處處生黑點輕尙無妨重則有害生育至不能成繭二曰黃爛斑蠶體腐爛倏忽即死傳染甚激三曰薄尿其兆候先吐瀉清水重必致甚患之然在無預防之法

(午) 蠶種之折算

養蠶之家皆須預備折算設有蠶種五千個能得母蛾二千個每個產子二三百個約得蠶子四五十萬個餘可類推

(未) 繭絲之收穫

本境繭絲每年收穫額平年可得六十萬斤豐年可得八十萬斤由蓋平安東等處輸出近年各大絲房多樞招牌絲在上海銷售

(申) 製絲之方法

樞房製絲方法以水溶面鹼於大鍋內火熱之然後投繭以棍攪之次移繭於烝籠中置鍋



上離水二寸許火度自日沒起至半夜爲止初用小火中用大火俟鍋水沸騰蒸籠中繭濕透再以微火使鍋內之水次第減少不可過乾蓋水量適度與否關乎製絲上之巧拙繭既蒸出將外皮屑絲剝去名大挽手又名大絲頭多輸出於海外次將剝去外皮之繭搜出絲頭置之棹上分別絲之粗細良否以梘掛絲繅之大絲以繭十個爲標準小絲六七個繅完後所餘屑絲曰二挽手又於蛹之密着部分別名曰蛹青最劣之絲也普通繅工每日一人能繅繭二千餘個一千個繭少則出九兩多則十二三兩

(酉) 春秋繭比較

飼養秋蠶比春蠶約長十五六日故成繭之結果亦異秋繭比春繭每千個約重斤餘春繭絲量少每千出絲五六兩秋繭絲量多每千出絲八九兩至十餘兩

(戌) 春秋絲優劣

海城縣志 卷七 人事 實業 六十一
春絲製由空繭(即出蛾之繭名曰春扣)彈力弱而節多品質不及秋絲惟其色稍白纖維稍細且柔軟此其優於秋繭之處也

(亥) 價格及銷路

每箱繭絲重一千六百兩即百斤約需繭二百餘千雖無一定價格平均價目約值安東銀七八百兩其銷路大樞房有商標者爲招牌絲多銷上海曰上海裝小樞房無商標者則銷安東曰安東裝即同在安東銷售有招牌絲與無招牌絲每箱亦差銀三四十兩究竟絲之優劣不在乎此只在信用如何耳

漁業

本境漁業向以西南二界溝一帶爲盛自二界溝劃歸營口後縣境遂無海產之區僅有遼河所產淡水魚蝦最易腐敗不能經久故銷路不廣惟冬令所產之黃魚白魚

冰 蟹等

物爲清時貴品尙稍著名運銷各埠然較二界溝之漁業不可同年而語矣漁業狀況錄後

(元) 水產之區域

縣城西六十里三汭河產黃魚白魚其上流專產銀魚下流多產蝦蟹至鯉鱒鮎鮪等魚各處皆產之黑魚出鍋鑪子雷魚出小姐廟皆不多產

(亨) 魚蝦之種類

遼渾兩河所產之魚甚多著名者惟鯉魚鯽魚黃魚(又名黃昂子即回網魚)白魚(白色細鱗品極貴重)鮎魚鮪魚(俗名槐子)刀魚銀魚黑魚雷魚皆常產之魚鰻花鰲花則不多見河蝦體小無味不及海蝦河蟹味較海蟹爲鮮冬爲水蟹尤美

(利) 漁業之期間

遼渾兩河每年二三月間開河後首產爲鯉魚鯽魚鮎魚四月間產刀魚六七月產鮪魚(

即槐子魚)秋後又產鯉魚鮎魚九月產白魚黃魚最後十月產銀魚河蝦河蟹則春秋多產之

(貞) 捕魚之方法

瀕河居民捕魚有扒網潑網炸網掛網扒網長丈餘或八九尺如筩形將網拋水中二人乘船提其網以捕鮎鯉等魚潑網即片網長十餘丈上置本標下墜鐵脚二十餘人順流提之復將兩面兜緊魚在其中無得遺漏者炸網橫木河上上有蓋網下有兜網專捕刀魚用之又有掛網以生絲製成又名絲掛子橫河植檣掛網其上專捕銀魚至捕蟹之網與扒網形式略同但線稍粗耳蟹爲兩棲動物出水不死養蟹之法用囤(即柳條籠)置河邊淺水處日以梁穗飼養至冬月間取出凍之是爲冰蟹可充鼎食味極鮮美

附錄二界溝等處漁業狀況以資比較

二界溝在田莊台西三十里距海口約四五里其下橋掛網之所沿海岸線約五六十里共有漁戶三十三家漁船大小五十二隻二界溝北五里蛤蜊坨子距海口三里有漁戶三家小漁船六隻二界溝南三里棗木溝距海口五里有漁戶三家小漁船三隻漁船形勢方頭扁尾略似槽船船身長四丈五尺艙深四尺五寸桅高三丈餘網橋以柞木爲之高者三丈矮者二丈一二尺粗五六寸林立排植距離一丈量其水基寬窄並水之淺深或植一百五六十棵或植一百棵水深一丈四五尺則用高橋水淺七八尺則用矮橋每年兩季植橋上季由清明開河後下橋至伏前拔橋以防蟲蠹下季由立秋後下橋至霜降拔橋以防冬冰結網之法用棉花縴由女工編織三截聯貫結繩而成先用熟油浸泡取出曬乾再用猪血刷染三次復置鍋內蒸熟晒乾方經海水不朽網身長二丈四五尺上口寬下口窄網稍一

尺二寸網口橫寬一丈二尺豎長八尺以網口四隅用繩拴於橋杆之上名爲網爪潮退由北而南網口自張魚蝦投之易入而難出其網稍以繩牢拴待漁船至時用鈎撈起即將魚蝦倒出仍置水中漁戶於每年開凍時前往海面晝則上船工作夜則築小團蕉以居入冬始回鄉里每日兩潮出海由舖房裝載筐籠數十個漁工三四名撐船至下橋掛網之所鈎起網稍將魚蝦倒於筐內載歸舖房製造二界溝所產之魚僅大頭小魚用鹽迭培陰乾出適售之所產之蝦僅白皮小蝦用鹽水煮熟投之晾蝦場曬乾仿農家揚場法借風力吹分之其仁爲蝦米皮爲蝦皮碎者爲蝦糠二界溝每年產鹽魚四五十萬斤蝦米六七十萬斤蛤蜊坨子棗木溝二處所產無幾

物產志

粵稽璆琳西貢橘柚南來往古則壤成賦區九州物產以訂爲經而水火金木土穀惟修至以基地平天成之治蓋五行百產之精以給生民之用與經國大政所關至大此周禮大司徒一職所爲於井人之掌司稼之職舟鮫衡鹿之守規畫久遠而用意深長也地不愛寶人喜用宏備著於篇庶留心民治者有所考焉因以志物產

海城縣志

卷七 物產

物產

植物

(甲) 穀類

蜀黍 俗呼高粱本草云種始自蜀故名蜀黍山堂肆考云黍苗高丈餘穗黑色粒圓重是即今之所謂高粱者北方人民常食之品漚為米粉可製餅餌糠覈可飼豕和以麥麩又可釀酒麻醉性最烈俗呼燒酒其稽可為燃料

黏蜀黍 有黃黑二種與蜀黍無異但性黏穗長可為帚

玉蜀黍 俗呼包米分黃白二種莖葉似蜀黍子藏包中嫩可煮食成熟可磨粉煮粥每歲六七月間青黃不接包米先熟農家常用代飯

黍 俗呼大黃米周禮職方氏東北曰幽州其穀宜三種(注)三種黍稷稻黍晚種早收邊

海城縣志

卷七 物產 植物

地最宜爾雅翼與本草俱言黍與稷大體相似北方用之釀酒亦可食又稷子似黍粒大不黏俗呼漫子米遼河左右多種之

秫 俗呼小黃米亦可釀酒孫炎注爾雅謂黏粟為秫今北方人通呼高粱為秫秫故高粱米曰秫米稽曰秫稽蓋蜀黍之誤也

稻 即詩之秣渤海傳有盧城之稻本境從前種者極少近年沿河處多有種者其米為大米

秠 陸稻也米似大米而滑潤次之本境產額極富

糯 黏稻也亦陸地產可製角黍或煮粥

粟 俗呼穀子米曰小米即古之黃糧本境農產除高糧豆外以此為大宗其禾稈曰穀草可用為芻清初本地皆以小米充賦

小麥 即詩之來可製麵粉遼河西多產之

大麥 即詩之牟可為酒麴遼河西多產之

蕎麥 播種最晚春耕悞期或改種始植為晚田亦可製麵粉

稗 宜下濕地故沿河多產之

薏苡 俗呼草珠子米入藥曰薏仁亦可食種者極少

脂麻 俗稱芝麻可製香油銷路極廣

蘇子 爾雅謂之桂荏今有紫白二種子可榨油

苧麻 子斑紅如牛蠡可入藥黯花者俗名大麻子俱可榨油

火麻 雄曰臬雌曰苴子曰臍可榨油皮漚之為線麻

大豆 古謂之菽今分黑白黃褐青斑諸色清初旗地用黑豆充賦為本境農產大宗

海城縣志

卷七 物產 植物

小豆 有紫白赤黃數種赤者入藥餘可製粉合大麥造酒麴

綠豆 晚田與蕎麥等可製粉烝糕煮湯飲之能清暑解毒

豌豆 爾雅謂之戎菽遼史謂回鶻豆

豇豆 莢必雙生有紅白二種長而肥者充蔬皮薄者秋成取粒

蔕豆 色亦不一白者入藥菜豆似蔕豆而莢長可入蔬

雲豆 種來自雲南故名可充蔬

(乙) 蔬類

葑 禮名豐本早春最美子入藥又山葑獨莖一葉即詩之鬱爾雅謂之葑

葱 分春秋二種秋種名曰白露移至他處來春再發即為羊角又有山葱爾雅謂之茗

薤 本草一名大葱又有山薤爾雅謂之勤莖如小蒜謂之薤白

蒜 分白皮紫皮二種白皮蒜中國種紫皮大蒜張騫自西域携歸

菘 俗呼白菜有二種嫩黃者爲黃芽白窄勁者爲箭桿白

芥 有數種俗以大芥爲芋芥馬芥爲癩芥白芥子入藥

芹 水旱二種赤白二色生於野者即紫莖

菠薐菜 俗呼菠菜唐太宗時呢波羅國所獻

藟蔞 一名胡蔞種傳西域俗呼香菜

櫻薑 俗呼臭菜子可榨油

蒿苳 俗呼生菜不可烹飪生食故名

莧菜 野生有赤白二種皆可食又有馬齒莧葉青梗赤白根黃花子黑本草名五行菜

同蒿 形氣同於蒿亦可茹又有萹蒿爾雅作藜詩於以菜藜即此今呼同蒿菜

海城縣志 卷七 物產 植物

四

苦蕒 即詩之藜與芑禮月令四月苦菜秀俗呼曲麻菜

蕨菜 莖色青紫末如小兒拳山野多生之可食

地膚 俗呼掃帚菜爾雅謂之王彗苗嫩可食老時可爲帚子入藥

灰藿 俗呼灰菜即藜藿也貧家有食以代飯者

批藍 南方謂之芥藍葉可擘食故曰批藍

黃花菜 一名針金菜即萱草也詳見花類

紅花菜 即山丹花花大而斑者曰捲丹花根爲百合

鎗頭菜 即蒼朮苗

筆管菜 即黃精苗

杏葉菜 初生可食又一種曰歪勝菜皆沙參苗

明葉菜 初生可食長成根即桔梗

秦椒 味極辛俗名辣椒生青熟紅土人多食之又一種結椒向上者曰天椒

藕 荷花之根鬆脆亞於南省

竽 俗呼竽頭晏子汶山之竽大若蹲鴟唐嫩殘煨等皆此物也

山藥 即薯蕷唐避代宗諱改名山藥子生葉間名零餘子俗呼山藥豆

紅薯 俗呼地瓜一名甘藷

馬鈴薯 俗呼土豆其狀如馬鈴故名

蘿蔔 爾雅謂之藟蘆肥今以圓而皮紅者爲大蘿蔔又有青紫等色別種曰水蘿蔔有紅

白二種子入藥名萊菔子

胡蘿蔔 玄赤二種元時始入中國

海城縣志 卷七 物產 植物

五

茄 有海茄水茄旱茄之別色亦各異常食爲早茄紫白二種

黃瓜 禮月令謂之王瓜或曰種來自西域可充當蔬

苦瓜 俗呼癩瓜別名錦荔枝

倭瓜 種出東洋今爲常蔬種類甚多又有玉瓜似倭瓜而小

東瓜 形似匏子而稍粗短

南瓜 一名桃瓜種來自南番故名

攪瓜 似倭瓜而小肉生筋絲醬醃密饊皆宜食時以箸攪取出之似縷切者

絲瓜 瓜時以堅石墜之則直老則筋亂如絲

壺蘆 即匏瓜也今以長者爲匏子圓者爲葫蘆皆可食別有細腰者曰藥葫蘆扁者曰油

葫蘆老而堅可備器用

磨菰 種類不一以黃磨爲大宗來自北省本地則有松磨榆磨榛磨等

木耳 生松木上本地甚少惟夏令山上所產之地耳俗名地漿皮形似木耳而薄味帶土氣山野中亦有食之者

(丙) 花類

牡丹 紅黃白紫數種花最豔美通志略古無牡丹統稱芍藥自唐以來始分爲二又有牡丹花王芍藥花相之說

芍藥 紅白兩種生山野者曰山芍藥芍藥殿春又名婪尾春

迎春 經春即開又有探春春過始開

長春 柔枝紛披黃花爛漫逐時開放

桃花 有紅白粉紅諸色又有碧桃一種

海城縣志 卷七 物產 植物

六

李花 暮長放花蕊細如雪種亦不一

杏花 春夏之交開花錦繡較南方稍遲

梨花 山中最盛開時望之如香雪海

月季 一名月月紅又名十姊妹種類不一

海棠 一名垂絲紅一名貼根海棠又有秋海棠入秋始開色亦嬌艷近多洋海棠四時常

開

葵花 獨莖頂作黃花大如碗向日而轉亦名向日蓮

荷花 即詩之菡萏爾雅謂之芙蕖今名蓮花有紅白二色

蕩花 一作萱又名鹿葱花六出四垂乾之即針 菜相傳食可忘憂即詩之蕩草也

桂花 細碎而香淡黃色花之貴品植者甚少

菊花 禮月令鞠有黃華即菊有紅黃白紫等色不下百餘種

鳳仙 俗呼指甲草性能透骨子入藥

木槿 朝開暮落即詩之舜華亦名夜合

丁香 紫白二色香氣馥郁

茉莉 一名苜莉香味最勝植者甚稀

玫瑰 紅者可入食品俗呼刺玫

山丹 紅花六瓣一名紅百合其跗未開者乾之即紅花菜

捲丹 六出四垂大如山丹根爲百合可充蔬

石竹 枝如竹子入藥名瞿麥

金盞 黃花如盞秋深猶茂

海城縣志 卷七 物產 植物

玉簪 一名鶴仙未開時如白玉搔頭故名玉簪黃紫者差小

薔薇 有紅白二種

鷄冠 形如鷄冠有黃紅白數種

素馨 有黃白二色白者團而小香勝茉莉

馬纓 一名合歡其葉晝舒夜捲花如絨

牽牛 蔓生花色不一俗呼喇叭花子入藥曰黑白丑

桃柳 柳葉桃花四季常開

小桃紅 花色紅於桃花而不結實

石榴花 有紅白黃三種不結實者名翻花石榴

荷包花 花似荷包鬚亦如穗

蘭草花 葉如蕝種類不一野無此花多植盆中

芙蓉花 一名萬壽菊又名草芙蓉

繡球花 叢生如球

水紅花 即剪花多生下濕地詩隰有游龍即此今人園中往往植之

蝴蝶花 莖葉似蘭草花如蝶翅

藍雀花 不種自出藍花如小雀張兩翼故名

狀元花 紫花單瓣色甚鮮妍

江西臘 花似菊色亦不一枝頗搖曳

剪春羅 花比石竹稍大四圍參差如剪故名有紅白諸色秋季開者為剪秋羅又名漢宮

秋

金絲荷 亦名金絲荷葉似荷而小生陸地一名虎耳草

曼陀羅 似牽牛花而大引蔓甚長俗呼爬山虎

薄荷梅 葉如薄荷花有紅白粉諸色

金藤松 花紅色葉如松針

生菜蓮 一名高莖蓮類罌粟花子入藥一種花微小曰虞美人

西番蓮 莖高四尺餘花有紅黃各色至秋開愈盛又名天竺牡丹

西洋菊 一名節節高又名步步登高逐節生莖莖次開花有紅黃白紫諸色

(丁) 果類

松子 契丹志女貞多產松實本草松出遼東

榛子 最香美經荒火燒落者尤佳

梨 唐書渤海傳果有樂遊之梨梨之種類甚多大宗爲接梨香水梨平梨又有酸梨皮黑而酢

桃 種類不一有白桃血桃山桃周桃接於柳樹者曰柳桃實大無味

李 唐書渤海傳有九都之李城西哈薩碑產者最佳

杏 甘者爲杏酸者爲梅城東南楊家店產者最佳

棗 園產者味甘而脆山產稍遜

栗 隋書百濟傳有巨栗今產甚稀

山櫛 爾雅曰杭槩梅土人呼大者爲山櫛小者爲山裏紅蜜餞曰溫脯味極佳（櫛同槩）

玉櫻 即禮之含桃今名櫻桃白紅相間純紅者曰朱櫻

花紅 實紅黃色一名海棠果檳子似花紅而大秋子似花紅而小皆柰屬

海城縣志 卷七 物產 植物

九

棠梨 即杜梨味甘酸不一有紅白二種

郁李 爾雅謂之棠隸多生山原間子如櫻桃入藥

銀杏 一名白果本境甚稀

蘋果 花粉紅色果紅碧相間極甘美

沙果 初青色熟黃色似蘋果而小

核桃 一名胡桃果不可用惟仁可食山核桃有尖甚銳家核桃形圓如毬

桑椹 色黑紫味甘酸一名桑仁

歐李子 實如小李味酸澁

石榴 漢張騫使西域得塗林安石榴以歸

無花果 不花而實生於枝葉之上

文官果 形如小香瓜本境甚稀

香瓜 即甜瓜有金香爐羊角蜜紅瓢銀皮芝麻粒等諸名蒂入藥名苦丁香

西瓜 種自回紇來故名又有自雲南哈密來者味尤勝其瓜小味酸子大者名打瓜其子可食

葡萄 園產者大而味佳有紫白圓長之別山產者實小味酸有黑白二種

菱角 一名菱色紫黑形有兩角三角四角

芡實 俗呼鷄頭米可入藥

蓮實 即蓮子可食亦可入藥

普盤 實類桑椹味甘酸俗呼托盤

燈籠果 外被簿殼中有紅子如櫻桃俗呼姑娘味苦回甘諫果之類食之明日

海城縣志 卷七 物產 植物

十

(戊) 草類

木棉 唐書渤海傳俗所貴者沃州之棉

繚麻 後漢書滌貂傳種麻養蠶皮漚成麻可以製繩

靛草 一名藍花入藥名青黛

烟草 可以禦寒土人多用之俗謂之菸

茜草 即詩之茹蘆可染絳

燈草 一名錯草可磨擦木品

莎草 即詩之臺莖可製蓑根即香附

荻草 爾雅謂之蕭苦屋最佳

羊草 可飼牛羊

水稗 土人多於夏日刈取以飼牛羊

章茅 可苫屋

紅根 葉柔韌可爲繩

芸香 葉類碗豆而莢細長可以解蠱

蘆葦 一名萑詩八月萑葦一名葭詩兼葭蒼蒼一物而三名皆葦也

馬蘭 禮月令荔挺出即此花藍可染色根可爲刷子入藥名蠶實

香蒲 根如笋可食葇入藥名蒲黃又菖蒲生水泊中俗呼臭蒲

水葱 生水中如葱而長土人取以織扇曰蒲扇

葛藤 其蔓可製絺綌土人但取以束物

星星草 出山谷間

海城縣志

卷七 物產 植物

十一

鞞鞠草 山中多產之農人取之冬時墊鞞鞠以煖足

老少年 一名秋紅又名雁來紅春夏葉青秋黃漸紅土人謂之老來變一名十樣錦

如意草 一名箭頭草可療風瘡

艾 俗呼艾蒿五月五日采之能祛風療疾

茨 蔓布地而生細葉子三角形有刺刺人

菰 一名蔣俗呼菱草春生笋亦可茹結實曰菰米

荇 詩之荇菜即此葉圓紫莖如釵股

蘋 四葉相合中折十字浮生水面生陸地者名青蘋

藻 生水中俗呼雜草詩予以采藻即此冬取食之名凍青菜

萍 浮生水面或曰揚花所化紫背者入藥

蓬 俗呼蓬子蒿爾雅謂之齧彫蓬葶黍蓬

(己) 木類

松 山中最多土人以結子者爲菓松無菓者爲杉松有脂者爲油松本境油松最多中於屋材

赤白松 理細氣香浸水中成紅色尤能持久可以製棺木之貴者本境無多

黃蒿松 枝葉如蒿故名俗呼黃花松木質堅緻有黃色波紋中於殿材亦可製棺本境極少

柏 莖直而高經冬不凋本境極少柏葉柏子仁皆入藥

榆 種類不一皆美材一名刺榆詩唐風謂之樞中爲車軸一名花榆理細宜爲几案其癰腫處花紋尤勝可飾器用入多珍之又有小刺榆葉初生鮮可食長僅丈餘質細而堅

海城縣志

卷七 物產 植物

十二

槐 有二種一名纓槐葉黑大一名守宮槐晝合夜開見爾雅疏其花可入藥子可染色

楊 有二種青楊葉大而圓質堅而直可爲箭筈白楊葉微小皮白一種生水際多合抱剝爲槽盆性不燥裂

柳 質粗性喜濕浸水中不易朽土人用爲棺槨柩之屬亦多用之

柞 木質堅實中爲車材別種一名櫟亦名柞俗呼橡子樹實曰橡子蒂曰橡碗可染早一名穢俗呼波羅樹葉大不結實土人取葉裹麩烝食之謂之波羅葉餅又有青剛柳等名各種柞樹葉均可飼蠶

桑 遼東本無桑燕慕容廆通於晉求種江南始得之又有山桑謂之糜可飼蠶

椿 葉香可嗽者爲香椿本境極少

楸 葉似椿而無香土人呼爲臭椿

楸 葉大皮黑紋細微赤者爲紫楸質白者曰糠楸土人製箱櫃多用之皮可製火槍繩
樺 皮有花紋紫黑色可製弓背又可爲箭筈木包紋極細作碗良佳

楸 類核桃樹其木可爲槍桿及船槳

檉 河畔赤莖柳

楝 俗呼粗榆赤者葉細中爲車軸白者葉圓木理堅緻其包亦中木碗刀柄之用

棘 一名楓俗呼棗刺科子爲酸棗仁

杜 一名甘棠俗呼棠定子移接梨樹結實最佳

煖本 即黃蘗木皮可墊燈心包弓把細者可爲鞭桿

茶條 質堅可爲杖葉可染皂

荊條 又名楚一種枝細可爲筐篋一種粗勁者名鐵荊條可爲包頭

海城縣志

卷七 物產 植物

十三

楷 一名雉尾荊色赤中爲矢周時肅慎氏貢楷矢即此

山藤 枝柔韌中爲鞭桿

皂莢樹 刺長皮潤結角如豬牙者入藥

老鸛眼 一名鼠李木有花紋且堅緻子如鴉眼赤黑色皮可染色

明開夜合木 一名金銀柳結子如花至冬不凋木理細緻

凍青 葉圓子赤寄生樹上經冬不凋收貯之可愈冬瘡

附藥材

五味子 爾雅謂之葶藶遼東名產

白附子 金史地理志東京路遼陽府產白附子

車前子 詩之荼蓍好生道旁葉布如輪俗呼車咕嚕菜

兔絲子 爾雅謂之唐蒙今豆田中多有生者

牛蒡子 一名惡頭菜可為火絨

蛇牀子 爾雅謂之虺牀花似水芹子如蒔蘿

地膚子 即掃帚菜根

萊菔子 即蘿蔔子

蔑麻子 俗呼大麻子

蒼耳子 即詩之卷耳一名蒼耳

五加皮 五葉交加清酒最宜

桑白皮 即桑樹根皮

地骨皮 即枸杞根

海城縣志 卷七 物產 植物

沙復 即杏葉菜根

苦葎 即野槐根

益母草 詩謂之蕤爾雅名莞蔚

金銀花 花分黃白蒂必成雙又名忍冬花

桑寄生 山中之樹多有寄生惟桑之寄生可入藥

白茅根 茅鍼可潰癰癤

老鸛嘴 蔓生枝間結角形如老鸛咀能治風可染皂

郁李仁 郁李之子也

薏苡仁 即薏仁米

桃仁

杏仁

蓮子

芡實 一名鷄頭米

細辛 一名少辛管子五沃之土羣藥生少辛醫家以遼產最佳

黃精 服食上品初生苗土人採食名筆管菜

玉竹 似黃精苗即小筆管菜

芍藥 芍藥花之根分赤白二種

艾蒿 爾雅謂之冰臺能祛風療疾

百合 根如蒜有山丹捲丹二種根皆可食並入藥

地丁 有紫花黃花二種

海城縣志 卷七 物產 植物

十五

黃芩 山中產之有條芩枯芩二種

桔梗 古名齊尼即明葉菜根

茴香 即小茴香子

蕭蓄 俗呼豬牙草生道旁

香附 即莎草根

蒼朮 即鎗頭菜根

遠志 即詩之蔓苗名小草

貫衆 葉圓碎一枝而衆貫之故名又名鳳尾草根入藥

荊芥 有二種圓穗者荊芥扁穗者假蘇到處叢生

旱蕪 一名鷄樹

薄荷 葉似荏而尖長香味不如南中所產者

柴胡 竹葉茶根

赤雹 禮月令孟夏王瓜生即此蔓生結果如小瓜色赤

茵陳 即萬年蒿牙因宿根而生故名

青蒿 俗呼萬年蒿

蘆根 澤中多產之

牽牛 即黑白丑

蒺藜 別名秦尖

木賊 即錯草

巨勝 即黑芝麻

海城縣志

卷七 物產 植物

十六

薤白 小根菜根

知母 即零當菜根

瞿麥 即石竹花子

菖蒲 香蒲之根一種曰節蒲

蒲黃 香蒲之茸

蒲公英 狀如金簪草花有紅白二色

土大黃 即陽鐵葉根

動物

(甲) 禽類

鷄 家禽古稱翰音見易及禮本草遼有食鷄角鷄二種食鷄可充庖廚角鷄即鬪鷄也雄司晨雌產卵最富於滋養料又有毛之反生者曰翻毛鷄烏骨者曰烏鷄亦有雙冠者

鴨 家禽周禮庶人執鵝即鴨足有蹼善游泳水中肉肥美卵亦可食

鵝 家禽似鴨而大卵可食晉王右軍與山陰道士書黃庭經換鵝即此

雉 禮月令雉入大水爲蜃漢避呂后諱改名野鷄生山谷中肉可食

鳧 俗呼野鴨爾雅鴈沈鳧廣志晨鳧肥而耐寒宜爲臠水泊中最多肉亦可食又有紅鴨蒲鴨皆野禽

海城縣志 卷七 物產 動物

十七

鵠 鴻類俗名天鵝羽潔白可爲服飾

鶯 一名黃鸝即詩之倉庚又曰黃鳥

燕 古稱玄鳥春來秋去皆以社日禮月令仲春之月玄鳥至仲秋之月玄鳥歸有胡燕越燕二種喜雙飛恒棲梁上俗以善營巢者爲巧燕不善營巢者爲拙燕

雀 依人小鳥棲於簷瓦間俗呼家雀一名瓦雀有斑色者曰麻雀

鴿 俗呼鴿鴿依人鳥也來去不定其臙囊能分泌乳液以育其雛是卵生而又哺乳性者烏 一名慈烏色黑能反哺俗呼老鴿

鴉 一名山老鴉即詩之鸞似慈烏而大口腹白不能反哺

鵲 一名喜鵲見陸賈新書開戶必背太歲如歲多風則巢枝下故又名靈鵲

鳩 俗呼斑鳩種類不一禮月令仲春之月鷹化爲鳩仲秋之月鳩化爲鷹

布穀 一名鳴鳩又曰鳴鳩俗呼報穀每至穀雨此鳥即鳴農人以爲播種之候

戴勝 小雀尾短嘴長色青頂有毛如戴花勝禮月令季春之月戴勝降於桑

鷓鴣 一名鷓鴣禮月令田鼠化爲鷓鴣夏小正鷓亦化爲鼠俗呼黃鷓

鶉 俗呼鶉鶉性喜鬪惟青蛙化者則不鬪

鷹 一名鷓鴣鷓屬鷓鳥禮月令孟夏之月鷹乃祭鳥產自遼河有白鷹尤猛鷓

鷓鴣 鷓屬鷓鳥能搏鷓俗呼鷓鷓生翼即食其母如梟一名隼又曰晨風

雁 大曰鴻小曰雁禹貢謂之陽鳥春北秋南不失時故又曰信鳥失偶不再配爲雁奴本

境雁多鴻則罕見

鷓 即詩之鷓遼渾兩河多有之俗呼沙鷓

鷓 水鳥一名伯勞鳴則必雨有黑白二種

海城縣志 卷七 物產 動物

十八

鷓 性嗜魚俗呼打魚郎一名魚鷹

鷓鴣 即梟又名鷓鴣生翼即食其母鳥類之最不孝者色黑黃而斑其首如貓俗呼貓頭

晝目無見夜明故又名夜貓子惡聲之鳥也

畫眉 似鶯而小黃黑色白眉如畫故名善鳴抑揚可聽

百靈 狀似鷓鴣體較大羽蒼白色有斑以其善鳴人多畜之

蘇雀 黃雀之類善食蘇子又名千里紅

蠟嘴 桑扈之屬

紅科 色紅善鳴

靛青 大似瓦雀靛色

鐵脚 俗呼山雀爪堅如鐵

黃肚 俗呼黃肚臙

鳳頭鳥 俗名鵝卵頭有毛冠鳴聲可聽

啄木鳥 嘴尖銳如錐直通腦後引之愈長樹中蠹蟲能鉤取食之

縮脖鳥 色黑形如鸛翅支脚高飛則縮頸

號寒鳥 即號寒蟲夏日毛盛自鳴鳳凰不如我冬日毛脫則鳴得過且過糞即五靈脂可

入藥

蝙蝠 爾雅曰服翼晝伏夜飛似鳥非鳥糞即夜明砂可入藥

(乙) 獸類

馬 家畜後漢書扶餘傳出名馬新唐書渤海傳俗所可貴者率賓之馬率賓即今奉省東南之地西北塞外所來之馬較此地所產尤良

海城縣志

卷七 物產 動物

十九

牛 家畜隋書百濟傳畜有牛五代史女真地多牛牛爲反芻獸能耕田駕車田家多畜之

驢 家畜通考女真出似馬而小與牝馬交則產騾

騾 家畜史記單于乘六羸驢與馬交所生鎖骨不開故不孳乳羸一作羸

羊 家畜北盟錄女真多牛羊反芻獸有山羊綿羊二種山中多畜之

豕 家畜俗呼爲猪周官職方氏幽州其畜宜四擾注四擾牛馬羊豕俱爲常畜

犬 家畜俗呼爲狗通考女真多良犬犬能守夜故家家畜之

貓 家畜一名狸奴能捕鼠禮大蜡迎貓爲其食田鼠也今人猶多畜之

狐 有火狐山狐二種毛溫暖可爲裘腋尤良

狸 即野貓皮亦可爲裘

狼 獸之最貪者喜食肉皮可爲褥毛青白者爲貴

貉 狀如狸性好睡俗名癩貉子皮可爲裘
獾 似犬而小皮可爲褥油能治湯火傷

兔 山產爲野兔家畜爲家兔俗謂之跳毛溫煖用之作護膝可療腿疾

鼠 即家鼠善嚙物又能爲鼠疫之媒介土人多畜貓以捕之

田鼠 一名鼯鼠穿地而行禮月令田鼠化爲鴛即此

鼯鼠 俗呼黃鼠狼又名騷鼠皮可爲帽尾毫可製筆

豆鼠 即詩之碩鼠一名鼯鼠藏身田野好食穀豆故又名豆鼠

松鼠 一名花鼠週身豹文即鼯鼠也又有香鼠小於松鼠或有畜爲戲具者

蝟 鼠屬有刺毛足短尾長犯之則形縮刺張俗呼刺蝟蝟皮可爲藥

(丙) 鱗介類

海城縣志

卷七 物產 動物

二十

鯉 肉味鮮美爲魚類最上之品遼河多產之

鯽 一名鮒似鯉而小脊部隆起好羣行

鮠 似鱣而大色黃無鱗俗呼槐子魚

鮎 即詩之鱣身圓無鱗生流水者色青白生水者色青黃

魴 縮項窮脊扁身細鱗俗呼鰱花

鰱 扁形闊腹巨口細鱗有斑俗呼鰱花

鱖 似鮎而小色黃俗呼黃昂刺一名回網味極美

鱧 身圓而長鱗細色黑七點作北斗象俗呼黑魚

鱖 似鱖而短爾雅謂之鰓俗呼泥鰱

鱖 似蛇無鱗腹黃俗呼黃鱖

白魚 白色細鱗魚之貴者清時充貢品

刀魚 扁身細鱗色如銀形如刀以之充饌味至美

雷魚 小如指色黑黃身有橫文循河兩岸而行作羹味最鮮美

河豚 狀如蝌蚪腹下白眼能開閉血皮頭子俱有毒能殺人人鮮食之

龜 似鼈而小背生六角紋本草龜壽最長有千歲者甲入藥曰龜板

鼈 俗呼團魚又名脚魚肉可食甲可供藥

蝦 身曲多鬚大者長數寸小者寸許可食以之製蝦油蝦醬亦佳

蟹 即螯螟三汶河多產之秋季取置甌中養肥冬季取出謂之冰蟹可充鼎食

蚌蛤 禮月令雀入大水爲蛤殼有花斑肉可充饌

蠣黃 硯礪相連附石如房明志曰蠣房又曰蠣黃殼即牡蠣可入藥

海城縣志

卷七 物產 動物

二十一

蠶 蛤屬生泥水間肉在殼中上分兩歧一長一短與月消長土人取蠶計日下鉤取之甚

易乾爲海錯通行各處

螺 易離爲贏即此大小不一屬海中者種類尤多

蜆 似蛤而小隋劉臻謂之扁螺

青蛙 即鼃一名田鷄似蝦蟆而無非磊小時生池沼中又一種純青金色者名黽俗皆呼

蝦蟆初生者名蝌蚪

(丁) 昆蟲類

蠶 有山蠶家蠶二種家蠶食桑山蠶食柞境內家蠶甚少山蠶極多吐絲作繭可製綢

蛾 蠶所化凡草木蟲以蛹化蛾者甚衆

蜂 有土蜂馬蜂蜜蜂三種蜜蜂探花釀蜜煉出黃臘馬蜂螫人蜜蜂不螫人土蜂一名蜾

羸純雄無雌負桑蟲爲子即螟蛉

蝶 俗呼蝴蝶形色不一皆蟲所化花樹間蠹之大者暑時置熱石上輾轉久之即可化蝶

蟬 種類不一有秋蟬茂涼螂螻諸名以翼鳴聲甚清朗殼入藥曰蟬蛻

螢 即詩熠燿今名螢火蟲禮月令季夏之月腐草爲螢

蜚蜴 即蛇師俗呼馬蛇子

蛇 種類不一大者往往冠幘小名七寸子者最毒

蠍 一名薑其毒在尾螫人

蚰蜒 節足動物體細而長大者爲蜈蚣本地罕見

阜螽 蝗屬長脚修股善跳作聲俗呼螞蚱即詩之阜螽

蜘蛛 大者爲蜘蛛俗呼癩癩蛛小者名蟻子即詩之蠨蛸負蟠即詩之伊威又有棲壁間

海城縣志

卷七 物產 動物

二十二

者作幕如錢者俗名壁錢

蟾蜍 生陸地背黑無點多疥磊俗呼癩蝦蟆眉際白汁乾之爲蟾酥可入藥蟾蜍類似青

蛙同爲兩棲動物青蛙常居水中故列入魚類蟾蜍常陸地故列入蟲類

蝸牛 爾雅謂之蟻輸軟體動物身藏殼內成旋螺狀白色頭有兩黑角涎畫屋壁悉成銀

色

蜻蜓 六足四翼羣飛水際俗呼螞蛉爾雅謂之負勞

螻蛄 覆腹青色秋鳴以股冬可以畜交春則死所謂螻蛄不知春秋是也禮月令曰螻蛄

俗呼聒聒

蟋蟀 一名促織又名蛩俗呼趨趨色黑如漆善跳好鬥秋後則鳴竈馬如促織好穴於竈

亦名竈鷄

螻蛄 穴土而居短翅大腹腰細如蜂俗呼土狗

蚱蜢 蝗屬翅股俱長能飛不能鳴俗呼扁擔勾一名蟿螽

蜉蝣 朝生暮死之蟲長六七分頭似蜻蛉而小有四翅體細而狹夏秋之交多近水而飛
往往數小時即死

水蛭 俗呼馬蟥生水中能吮人血

螳螂 禮月令仲夏螳螂生俗呼刀螂深秋乳子作房著樹枝是爲螻蛄

蟋蟀 黑甲蟲俗呼屎客郎轉糞爲丸納於土坎子生其中

蠍虎 即守宮食蠍故名蠍虎

蠅虎 身黑扁咀有雙肉鉗攫蠅食之

瓢蟲 形似青豆黃赤色背有黑斑殼翅內有膜翅俗呼放牛小

海城縣志 卷七 物產 動物 一二十三

蚯蚓 禮月令孟夏蚯蚓出冬至之日蚯蚓結俗呼曲蟮白頸者入藥

尺蠖 似蠶而絕小促其腰使首尾相就乃能進步

蠟蟲 大如蟻蝨分泌蠟質甚多涎著樹莖收煉成白蠟較川產微黃

馬蟻 一名馬陸多足蟲俗呼錢串子

螻蛄 嚙人蟲有大小二種

臭蟲 嚙人蟲又有嚙牛者曰牛蝨嚙狗者曰狗蝨

蚤 嚙人蟲形小而黑跳躍迅速

蠅 分青蠅蒼蠅二種青蠅即綠豆蠅最污穢蒼蠅次之均能亂色且爲時疫之媒介故人
多惡之

蟻 種類不一大曰蚍蜉小曰螳俗呼麻蟻力舉等身之物鬥時亦有行列謂之蟻陣

蟪 書中蟲一名蠹魚

蟪 一名蟪蟪金龜子之幼蟲蠹食樹木果實

蚊 產卵水中其幼蟲爲孑孓夏日人飲凉水誤吞此蟲即生疾病

虻 俗呼瞎虻似蠅而大口尖銳能噬人畜

蠓 一名蠓凡草木葉起胞中生小蟲即蠓胞裂蟲飛出

礦物

(甲) 金類

金 元史產金之所遼陽曰大寧此不過就其大者而言本境東南山中多產沙金但金苗不旺近年採者甚稀

銀 明一統志海州衛出銀今無採者

銅 本境銅礦無多亦無採者

鐵 本境西陽寺山鐵礦最富

(乙) 石類

滑石 本境東南諸山皆有此石爲鑛產大宗

弗石 可製玻璃析木城附近之山多產之

海城縣志

卷七 物產 鑛物

二十五

苦土石 本境東南諸山多產之次於滑石

白雲石 本境東南山中多有產者

白石粉 俗呼白土子本境東南諸山多產之

紅石粉 俗呼紅土子本境東南諸山間有產者

雲母 本邑東南山中間有之

石棉 一名石絨邑東南老爺廟溝山產石絨最多

石灰 本邑東南康家峪山產青板石可燒石灰

土硝 本境居民以鹼土熬之有皮硝火硝之別